

社320

83

部二





P1

何和禮額駙。滿洲正紅旗人。姓董鄂氏。其先瓦爾喀遷於董鄂。因以地爲氏。祖曰克徹巴顏。父曰額爾謹瓦爾喀。世長董鄂部。何和禮額駙。幼而凝重。志量寬和。年二十六。代其兄屯朱魯巴顏爲部長。聞

太祖高皇帝納妃哈達。身率甲士三十人護從以行。比還。遂以所部軍民來歸。

太祖寵異之。命尙固倫公主。授一等大臣。戊申年。從征烏喇。率本旗兵敗敵有功。辛亥年冬十二月。奉

命同額亦都巴圖魯。達爾漢轄。督兵二千征渥集部之



八旗通志 卷一百五十七  
虎爾哈路圍札庫塔城。三日招之不下。攻拔之。斬首千餘。俘二千人。其環近諸路盡招撫降之。何和禮額駙自來歸。特蒙

春注。列在親臣。

特命與費英東札爾固齊額亦都巴圖魯達爾漢轄碩翁科洛巴圖魯同爲五大臣。癸丑年春正月。從太祖再往征烏喇國。布占泰貝勒率兵三萬。越伏爾哈城而軍。

太祖欲再加申諭。何和禮額駙與費英東札爾固齊五大臣等。皆力主進戰。遂滅烏喇。天命六年。從大兵取遼陽。降七十餘城。並在行間。指揮督率有功事。

太祖三十餘年。推誠宣力。勤勞王室。授世職三等總兵官。九年卒於官。年六十四。時費英東額亦都碩翁科洛巴圖魯達爾漢轄等俱已先歿。

太祖聞何和禮卒。深加悼惜。慟哭曰。朕股肱諸臣。何其不遺一人耶。以其子和碩圖額駙嗣職。

世祖章皇帝順治十二年。追諡溫順。勒石紀功焉。康熙五十七年。

聖祖仁皇帝謁



陵至盛京。特遣大臣往奠墓。次子六人。多濟禮。和碩圖。杜雷。俱有傳。

多濟禮。何和禮額駙長子也。初從

太宗文皇帝征烏喇。及明國。有功。授三等甲喇章京。世職。坐事降爲牛彖章京。未幾任梅勒章京。從大兵征明。過北京。以屢次克敵。復授三等甲喇章京。世職。崇德元年。征瓦爾喀部落。獲壯丁三百七十五名。婦女幼小八百三十口。馬牛貂皮等物無算。

太宗特命禮部官迎至五里外。宴之。五年正月。偕翁阿岱。率官兵駐防錦州。二月。偕札喀柱詣寧古塔。偕寧古塔章京。往征兀札喇部落。六月。凱旋。獲兀札喇氏一百一十人。復

命於五里外。設宴迎之。七年。坐事罷職。順治五年十月十七日卒。年六十。子薩哈。以護軍校從征江西。敗賊有功。凱旋時創發。卒於軍。授拖沙喇哈番。子謨達襲。順治十六年。謨達從征貴州。凱旋至江南。值海寇鄭成功陷鎮江。圍江寧。隨大兵奮力擊賊。敗之。以功加至拜他喇布勒哈番。仕至滿洲副都統。子巴克山。初任驍騎校。順治十六



八旗通志 卷一百五十一  
年亦隨征貴州。凱旋過江寧。同父擊海寇鄭成  
功。三敗其衆。以功授拖沙喇哈番。仕至駐防杭  
州協領。

和碩圖。何和禮額駙第四子也。初襲父三等總  
兵官世職。辦事明敏。兼通漢文。

太祖高皇帝愛之。以代善貝勒女妻焉。封和碩額駙。天  
聰元年。任固山額真。隨大貝勒阿敏。濟爾哈朗  
克朝鮮。又從大兵征明錦州。寧遠等處。著有勞  
績。二年。隨阿巴泰貝勒。率師破錦州。杏山。松山。  
諸處。征察哈爾。敗其四路兵。以功加五備禦之

職。進封二等公爵。三年。隨岳託貝勒。濟爾哈朗  
貝勒。征明。攻大安口。擊敗馬蘭峪駐防兵。再敗  
敵。救援兵。二次率本旗兵。取遵化。於燕京北土  
城關結營。明師來犯。擊敗之。又率本旗兵。突出  
敗敵於蘆溝橋。又擊敗其四總兵官之兵。取永  
平府。率本旗兵。擊敗敵衆。四年正月。率本旗兵  
駐防灤州。五年。敵兵出大凌河城。圍我所得臺  
站。和碩圖擊走之。敵援兵四萬至。再敗之。七年  
六月。奏言。向荷天祐。得大凌河。貝勒大臣無不  
忻然。以下士卒則皆不樂。今當酌議。先固城堡。



相度明之邊界。乘暇而入。殺其人。取其物。務令士卒各飽所欲。其還師遲速。難以預必。或留或歸。待入邊後方可定也。先議固我城堡者。誠慮入邊之後。若天意祐我。各城致書納款。雖欲速回。勢必不可。其南面四城及蓋州舊寨。此六城可暫停修築。仍宜展地於築城處立界。耕種田畝。平時則令婦子往耕。出征則婦子仍收舊城。止令男子哨探耕種。其停修南面六城者。恐我兵去後。各處敵人知覺。相隔甚遠。難於援救。故六城宜停修築。無論有功無功之人。槩照壯丁計派。甄炭若易爲力。則將瀋陽牛莊耀州三城修理。然後我兵入邊。就彼糗糧秣馬。休兵庶邊之內外。皆可長驅矣。閱數日以病卒。

太宗文皇帝親臨其喪。慟哭之。時年三十八。順治十二年。追諡端恪。立碑墓道。

杜雷。何和禮額駙第五子也。自幼隨征。屢立戰功。崇德元年。仕至固山額真。隨

太宗文皇帝征朝鮮。率阿禮哈超哈兵登王京城。城上兵不敢拒。各路奔竄。因盡收其財物牲畜。四年七月。



賜珊瑚數珠一串。八月坐事免官。六月大兵征明圍松山。步越壕塹。突入敵隊。擊敗其衆。八年復起用。爲固山額真。

太宗命和碩禮親王妻以女。授和碩額駙。尋同輔國公篇古博和託。固山額真伊拜。率官兵駐防錦州。順治元年。定鼎燕京。入山海關。擊流寇。追至慶都縣。大破之。以功授牛錄章京。世職。三年。隨靖遠大將軍肅親王豪格。征四川。分兵征勦遵義夔州。茂州。榮昌。隆昌。富順。內江。資陽等處。斬馘巡撫道員總兵以下等官一千餘。兵丁無算。獲

馬騾一萬二千四百餘。俱在軍中。贊畫有功。加世職爲一等阿思哈尼哈番。未幾。又加一拖沙喇哈番。

世祖章皇帝以其係公主所出。加爲三等精奇尼哈番。九年遇兩次。

恩詔。加至二等伯。十三年卒。年五十。和爾本。和碩圖子。天聰八年。襲父三等公爵。九年。免功臣丁役。別置牛錄時。

太宗文皇帝命和爾本專管四牛錄。崇德元年。封其所尚公主爲固倫公主。三年。任纛章京。四年。隨貝



勒岳託等。征明山東山西等處城堡。凡敗敵十餘次。生擒其將一人。降其二王。後以病卒於軍。年僅二十。康熙五十四年。追諡端儼。勒石紀功。弟哲爾本襲公爵。

葉克舒。滿洲正紅旗人。姓惠和氏。世居尼馬察地方。

國初隨父秦松阿。率宗族及七村人來歸。授備禦世職。天命六年三月。從大兵征明攻遼東。敵出城嚴陣以待。葉克舒奮勇殺入。敗之。授二等叅將世職。

太宗文皇帝卽位。擢兵部承政。考績。加世職爲三等副將。任固山額真。坐事免官。併革世職。尋復任固山額真。天聰八年六月。隨貝勒代善。薩哈廉。率本旗兵。自喀喇俄保地方。入得勝堡。蹂躪大同一帶。取其城堡。西畧黃河。合兵於朔州。九年五月。

太宗命墨爾根代青貝勒多爾袞。由大同入明邊。遣葉克舒隨和碩額爾克楚虎爾貝勒多鐸。入寧遠。錦州地界。遙望立營。以牽制明兵。崇德元年五月。隨英武郡王阿濟格。往征明入延慶州。克十



八旗通志 卷一百五十七  
二城。二年七月。帥師征黑龍江。擊敗博穆博古里。攻取雅克薩城。進至薩哈爾地方。俘獲男子六百四十名。家口一千七百二十名。馬一百五十六匹。牛一百四隻。論功授牛錄章京。世職。十二年。從征朝鮮。遇平壤巡撫安州總兵札立二營。擊敗之。殺平壤巡撫及其兵二千餘。獲馬千餘匹。又遇一巡撫一總兵。率副使等官十員。兵二萬。從安邊來。欲襲我後。因設伏誘殺副使五員。兵萬人。獲馬千匹。餘衆俱遁入山。葉克舒率兵圍之。三日而降。至哈忙城。巡撫總兵官副使及各邊副使等。共十五員。各率本城軍民不戰而降。所過城郭獻納之物。葉克舒隨分給蒙古十六固山將士。三年五月。任兵部右叅政。四年十一月。同曹海等率官兵往征索倫部落。五年三月。凱還。

賜貂皮四十七張。人三口。加授半個前程。是年同固山額真圖爾格往畧明邊。設伏錦州西南烏忻河口。捉生比還。敵人引兵千餘。潛襲我後。葉克舒收兵還擊。往來衝突。力戰敗之。斬百餘人。獲馬十三匹。以功加世職至二等甲喇章京。坐事免。



官復革世職。順治元年。起爲梅勒章京。出守寧遠。睿王多爾袞統大兵入山海關。擊流寇。葉克舒亦率寧遠兵步戰破賊。身被三十一創。損一目。戰彌厲。嘉其勇。復授三等甲喇章京。世職。二年正月。隨肅親王征山東。偕尙書車爾格帥兵破滿家洞土寇十餘處。復分兵以土石堙塞二百五十一洞。滅之。三年五月。授昂邦章京。鎮守盛京。遇

恩詔。加世職至二等。阿思哈尼哈番。後復坐事免官。併革世職。以疾卒。康熙二十三年。

聖祖仁皇帝駕臨盛京。遣人祭奠長子道喇次。夏慕善次。胡葉。夏慕善見孝義傳。胡葉初任三等轄順治四年。遷擺牙喇甲喇章京。六年。隨大兵圍大同。敗賊四次。七年。遇

恩詔。授拖沙喇哈番。九年。隨固山額真噶達渾。征鄂爾多斯部落。奮力進戰。屢敗其衆。是年。遇兩次

恩詔。加世職爲拜他喇布勒哈番。十五年。從征雲南。敗僞晉王李定國兵。十八年。敘功。加世職至三等。阿達哈哈番。

道喇葉克舒長子也。初以擺牙喇効力。天聰八



年。陞擺牙喇甲喇章京。崇德三年。隨揚威大將軍貝勒岳託。征明攻邊城。以第二人登城有功。五年。隨大兵圍錦州松山。敵人來犯。正黃旗汛地。率擺牙喇四十名。偕阿賴庫魯克達爾漢擊敗之。敵復來攻。正紅旗濠塹汛地。偕纛章京敦拜敗之。隨領兵往取蘇班代家屬。遇明杏山騎兵來戰。率擺牙喇擊敗之。順治元年。調噶布什賢章京。是年。入山海關。同噶喇昂那鄂碩。敗流賊唐通於一片石。又追擊流賊至慶都縣。斬殺甚衆。六月。隨固山額真葉臣。征山西太原。於汾州府遇賊白輝兵。同噶布什賢章京圖爾賽擊走之。二年。授牛录章京。世職。隨貝勒勒克德渾征湖廣。敗賊一隻虎有功。五年。隨征南大將軍固山額真譚泰。往江西討叛鎮金聲桓。五敗賊兵。生擒僞總兵一員。副將一員。叅將一員。七年。九年。三遇。

恩詔。加世職至二等阿達哈哈番。擢本旗梅勒章京。十年。隨靖南將軍哈哈木。往征廣東。十二年八月。隨寧南靖寇大將軍阿爾津。統兵駐防湖廣荊州府。十四年。擢本旗蒙古都統。十六年。隨安遠



靖寇大將軍信郡王多尼征雲南。同噶喇昂邦白爾黑圖等攻克元江府城。康熙十年。加世職爲一等阿達哈哈番。以年老致仕。十二年。

聖祖仁皇帝念其効力年久。勤勞素著。特加太子少傅。二十二年九月卒。

賜祭葬。諡勤襄。

安達立。滿洲正紅旗人。

國初從征鐵嶺。敗蒙古兵有功。

太宗文皇帝時。戍守牛莊。追蒙古逃人。步戰直入。斬殺甚衆。天聰四年。從大兵征明。攻永平府城。同二

十四人先登。

賜緞疋牛馬等物。自永平還。偕圖魯什巴圖魯往建昌偵探。夜遇敵兵抵戰。黑葉諾牛朶下袞圖馬中矢仆。安達立拔出之。八年。從大兵由大同入明邊。取崞縣城。所部兵以第二人登城克之。九年。從大兵招撫額哲額駙。復入明邊。率四十人伏忭口。敗敵兵二百餘。獲馬五十匹。燾三桿。生擒六人。引兵還。路遇圖爾格所敗敵兵。當先追擊。斬殺盈濠。十年。授牛朶章京世職。擢任梅勒章京。崇德三年。隨揚威大將軍貝勒岳託征明。初



攻邊牆。率本固山兵先進。以第五人登城。敗敵  
二次。又攻取山巔臺一座。五年。從大兵圍錦州。  
擊松山杏山兵。累戰有功。六年。再圍錦州。隨大  
兵破洪承疇援兵。七年。加半個前程。卒。子三人。  
長阿機。賴。次多諾。次瑚錫布。阿機。賴。襲父牛朶  
章京。兼半個前程。世職。順治元年。從睿王多爾  
袞入山海關。追殺賊至慶都縣。六月。隨固山額  
真葉臣征山西。取太原府。破流寇於懷慶府黃  
河渡口。同西特庫追流寇至延安府。賊來犯我  
輜重。率本固山兵戰却之。二年。從大兵圍湖廣  
武昌府。追僞田國公敗之。由保塘往尋賊踪。遇  
敵敗其衆千餘。流賊李自成竄入九公山。阿機  
賴偕梅勒章京宗室吳達海深入山中搜捕。破  
其衆。三年。以功加世職爲三等甲喇章京。七年  
九年。三遇

恩詔。加至一等阿達哈哈番。兼一拖沙喇哈番。仕至梅

勒章京。弟瑚錫布以軍功授拖沙喇哈番。仕至  
右衛協領。孫富長以三等阿達哈哈番。從征準  
噶爾。於雍正十年。在烏孫朱兒地方。力戰陣亡。  
托克推滿洲正紅旗人。姓虎爾哈氏。世居席北



地方。

太祖高皇帝時。攜帶貝子劄付來歸。擢居諫官之列。天命八年。以辦事有能。不違指授。授備禦世職。旋偕吳拜駐防南界邊地。累敗敵衆。又偕巴都里理刑稱職。加世職爲三等甲喇章京。天聰二年。從大兵征明。步戰先入克三屯營。三年。從

太宗文皇帝征明。至北京。敗其四總兵。往運糧餉。遇敵兵。復戰却之。斬五人。獲纛一桿。馬五匹。師旋。圍遵化州。托克推斬其哨卒五名。獲馬七匹。敗敵四次。尋往征巴格地方。生擒莫羅退名將。五年

二月。同邦素蘇爾德等八員。率兵百名。往錦州一帶襲敵哨卒。捉生。隨武英郡王取大凌河。引蒙古固山兵。擊錦州。援兵大殲之。八年二月。偕阿山。土魯什。往畧錦州。大獲牛馬以歸。尋任梅勒章京。崇德三年。隨貝勒岳託。征明。至山東濟南府。攻臨邑縣。率所部以雲梯克之。

賜馬二匹。銀五十兩。六年。隨大兵圍錦州。敗明經畧洪承疇。援兵中礮被創數處。七年。以病致仕。順治元年。復起爲

陵上總管。二年九月卒。年六十二歲。



碩詹滿洲正紅旗人。姓傅察氏。世居納音地方。交舒穆祿於

國初任牛朶額真。仕至遊擊卒。碩詹襲管牛朶額真事。天聰五年十二月。偕杭什木。沙爾虎達。席特庫。入明境捉生。殺三人。擒一哨長。獲五人以歸。八年。以辦事有能。不違指授。授牛朶章京世職。崇德元年。隨大兵征朝鮮。攻江華島。繼阿哈尼堪舟衝入。克其島。二年。加半個前程。五月任刑部理事官。三年八月。隨揚威大將軍貝勒岳託。征明。出邊時。敵兵犯我後營。同尼哈里巴圖

魯敖漢等迎擊敗之。至山東攻禹城縣。率本甲喇兵。不藉雲梯。徑登城克之。又克平陰縣。四年九月。任戶部叅政。尋以功擢三等甲喇章京世職。五年三月。往調朝鮮水師兵。七年十月。管梅勒章京事。順治元年。定鼎燕京。加世職爲二等甲喇章京。隨定國大將軍豫親王多鐸南征。擊流賊於潼關山寨。步戰敗之。又擊流賊第一營。第二營。屢敗其衆。三年五月。加世職爲一等甲喇章京。四年考績。加一拖沙喇哈番。七年九年。三遇



恩詔加世職至一等阿思哈尼哈番。緣事降爲一等阿達哈哈番。事白。復授一等阿思哈尼哈番。康熙二年卒。年六十四。

賜祭葬。謚明敏。孫達色。從征陣亡。贈拖沙喇哈番。

覺善。巴圖魯。滿洲正紅旗人。姓李佳氏。世居薩爾湖地方。父佟國在。

國初任牛录額真。既卒。覺善嗣管牛录事。天命四年。從征明開原。又隨大兵滅葉赫。六年。征明。取遼東。沙嶺。義州。遵化。昌黎等處。覺善俱在行間。每戰先登。身被多創。十年。敘功授備禦。世職。天

聰元年。從征朝鮮。三年。從征明。至北京。敵兵圍灤州。覺善擒其撥兵一名。敵兵復來犯。覺善持槍踰濠。三戰三敗之。殺其釘礮人等。敵兵立梯攻關城。城角頽。覺善往援。敵不能登。以功加世職。至三等甲喇章京。五年。隨大兵征明。取大凌河。擊錦州。兵直入敵陣。往來衝突。斬殺甚多。適雍舜牛录下小撥什庫。爲敵所困。馳往援出之。八年五月。加世職爲二等甲喇章京。崇德五年。任梅勒章京。七年。隨大兵征明。圍錦州。有松山騎兵來奪我紅衣礮。率本旗兵擊却其衆。我兵



掘濠困松山。敵乘夜來侵。力戰退之。八年。從征明寧遠。屢敗敵衆。進取前屯衛城。敵出戰。巴林喀喇沁蒙古敗遁。覺善率右翼兵往擊走之。順治元年。隨睿王多爾袞入山海關。擊流賊。中礮被創。二年。敘功。加世職爲一等甲喇章京。兼半個前程。十一月。隨貝勒勒克德渾征湖廣。敗賊萬餘於異夢寺山巔。又敗賊一隻虎於荊州。三年。統兵勦山東土寇。擊賊於恩縣。擒其渠掃地。王斬之。破齊河縣賊兵七壘。師旋。遇賊四千餘。大殲之。賊攻平陰縣。奮擊敗之。前後共斬首一萬六千有奇。俘獲無算。六年。隨征南大將軍固山額真譚泰。征江西。討叛鎮金聲桓。其黨王得仁。引馬步兵七萬來薄我營。覺善率本旗兵兩敗之。又同烏菘敗賊兵三千於贛州。及新喻縣。又同充阿敗賊五千於安福縣。僞兗國公以兵二萬餘。立營於徐嶺。俱擊破之。殲戮殆盡。繼抵信豐。分兵前後合圍。僞惠國公李成棟謀夜遁。覺善督碩陀烏菘等梯攻克其城。賊潰散渡河。李成棟溺水死。七年。五月。敘功。加世職爲二等阿思哈尼哈番。八月。緣事降爲一等阿達哈哈。



番兼一拖沙喇哈番尋事白復還原世職八年遷都察院承政九年連遇

恩詔加世職為三等精奇尼哈番十五年致仕康熙三年卒年六十六

予祭葬諡勤勇勒石墓道紀其功子六人紀爾塔布以副都統從征逆藩耿精忠有功又屢敗海寇仕至都統議政大臣

八旗通志初集卷之一百五十八

名臣列傳十七

正紅旗滿洲世職大臣二

布丹 子弼素理

代松阿 子阿納海 巴漢

褚庫巴圖魯

噶達渾

法譚

科魁 祖吳爾昆

木成額

鄂鼎巴圖魯

鄂申巴圖魯 父巴賚

穆成格 孫阿思海

胡里布

莫洛

穆舒

傑殷 弟傑篤 叔翰雲

董吉納

寧古里 父安珠瑚

布丹。滿洲正紅旗人。姓傅察氏。原係烏魯特貝子。天命七年。率所屬來歸。授二等叅將。世職。天聰八年。從大兵征明。攻萬全左衛。繼褚庫巴圖魯。以第二人登城。克之。

賜馬四匹。騾四頭。牛八頭。緞十五疋。布百疋。加半個前程。九年。隨額爾克楚虎爾貝勒多鐸。往畧明錦州。師旋。有石廷柱固山下一人。被敵所困。往援出之。崇德二年。隨武英郡王阿齊格。征明入邊。破其關外守軍。遂攻邊城。率本甲喇兵先登。至涿州。遇敵兵步戰。却之。大兵出居庸關時。敵兵



八旗通志 卷五十八  
拒關口阻我師。布丹率兵先衝入。大敗其衆。旋往迎睿親王多爾袞。我兵據守山岡。敵來攻。同希爾根擊敗之。斬首十級。是年以功加半個前程。隨鄭親王濟爾哈朗往略錦州。遇松山兵百人奔錦州。同希爾根囊古季什哈擊走之。三年任戶部啓心郎。五年三月。從大兵征明圍錦州。敗杏山騎兵。五月。自

盛京奏征虎爾哈捷音。十一月。擢牛永章京。順治元年。從睿王多爾袞入山海關。率所部偕噶喇昂邦席特庫擊流賊唐通兵。敗之。追至安肅縣。

斬殺甚衆。又追至慶都縣。偕噶喇昂邦席特庫誘賊至。大殲之。七年九年三遇

恩詔。加世職爲一等阿達哈哈番。仕至本旗蒙古固山

梅勒章京。任議政大臣。十二年卒。

賜祭葬。諡毅勤。子彌素理襲其父。一等阿達哈哈番。康熙元年。隨征雲南。至緬甸阿娃城。獲僞桂王。効力有功。加一拖沙喇哈番。

岱松阿滿洲正紅旗人。姓佟佳氏。世居瓜爾佳地方。天聰八年五月。以辦事有能。不違指使。授牛永章京世職。九年五月。同薩穆什哈。霸奇蘭



征黑龍江有功。加半個前程。崇德二年九月。自蓋州往旅順口。躡敵踪。獲船二隻。擒把總一員。兵六名。六年四月。監修。

### 盛京

興京等十一城。累官至戶部侍郎卒。子阿納海襲牛象章京兼半個前程世職。管甲喇章京事。順治元年。隨定國大將軍豫親王多鐸。往征流寇。由九江富池口。乘船追擊。獲賊一艘。抵九江府。水戰。敗賊。獲二十艘。三年。隨靖遠大將軍肅親王豪格。征四川。賊首何進。寇漢中府。阿納海往

守鷄頭關。賊以二千餘來戰。率本固山兵步戰。敗之。賊既遁。蘇章京鰲拜。指令追賊。疾追及。敗之。又隨大兵擊八大王張獻忠兵。同署甲喇章京布喇哈。敗其一隊。賊兵來援。同褚庫巴圖魯。又敗之。師至蘆渚。偽何總兵范總督率兵二千渡江來犯。又擊敗之。六年。隨大兵往征叛鎮姜瓖。圍大同。敗賊二次。賊以馬步軍持梯牌來薄我營。隨固山額真噶達渾。與賊鏖戰。賊不能勝。往侵鑲藍旗正藍旗汛地。追擊却之。七年九年。三遇。



恩詔。加至一等阿達哈哈番。十八年。隨征東將軍季什哈。敗山東賊首喬玉季兵於連山。賊夜劫我營。奮力拒敵。身中三十二創。遂歿於陣。加世職為三等阿思哈尼哈番。以其弟巴漢襲。巴漢代松阿次子也。初襲兄三等阿思哈尼哈番世職。康熙五年。隨大兵征貴州。凱還至江南。值海寇鄭成功等陷鎮江。逼江寧。巴漢隨大兵及本地兵迎戰。擊敗之。又破偽總兵蔣雄等七千餘賊於樹梓區。破偽將軍吳士琮馬步賊二千於新村之西山。康熙十九年。從征吳逆。擊偽將軍何繼祖等於石門坎黃草壩。並有功。隨三路大兵至雲南城下。大敗賊兵。又隨都統希福追偽將軍馬寶。巴養元等。於烏木山。二十五年。敘功。加世職為一等阿思哈尼哈番。

褚庫巴圖魯。滿洲正紅旗人。姓薩爾圖氏。世居葉赫地方。天聰五年。從征大凌河。擒蒙古將徹機格。八年八月。攻萬全左衛。首先登城。

賜號巴圖魯。及牛馬緞疋等物。十月。授牛錄章京。世職。

崇德三年五月。任吏部理事官。順治元年。隨定國大將軍豫親王多鐸。征流寇。兩敗其眾。三年。



八旗通志 卷二百五十八  
隨靖遠大將軍肅親王豪格征四川。敗張獻忠兵二次。又同尚書星內。敗賊高介兵。六年。隨大兵征叛鎮姜瓖。攻大同。賊衆來侵本旗汛地。擊却之。遂往侵土默特汛地。追擊敗之。又往侵鑲藍旗汛地。偕擺牙喇甲喇章京胡葉往援。復敗之。三遇。

恩詔。加世職至二等阿達哈哈番。九年二月。隨固山額真噶達渾征鄂爾多斯。率本旗兵攻多爾吉營。步戰破之。斬殺甚衆。圍沙克巴營。降之。十一年十二月。隨定遠大將軍世子濟度往征福建。十二年。師次高齊地方。賊自烏龍江引舟師二百餘隻。列陣拒敵。率本翼兵兩戰俱却之。追至大江口。大殲之。獲船十三隻。康熙二年七月。任本旗蒙古副都統。三年敘功。加世職爲一等阿達哈哈番。十四年卒。

賜祭葬。諡襄壯。

噶達渾。滿洲正紅旗人。姓納蘭氏。世居哈達地方。初任擺牙喇甲喇章京。天聰八年七月。隨大兵征明至山西。攻應州城有功。

賜人口牛馬等物。復從征多羅忒。固魯台吉。引二百人



竄入山谷。追之。斬其一人。崇德五年。隨大兵畧中後所。偕燾章京敦拜。擊敗敵衆。斬首八級。是年從大兵征明。圍錦州。擊杏山騎兵。率所部敗之。偕薄波爾代。潛伏松山。遇敵。殺十四人。敵復據山嶺來犯。敗其一隊。復偕碩翁科洛巴圖魯。勞薩。掩殺之。直抵北岡。七年。隨豫親王多鐸。征寧遠。有敵兵來尾我後。先衆逆擊。敗之。師旋。有達哈塔傷仆。援而出之。順治元年。從睿王多爾袞。入山海關。破流賊有功。二年。閏六月。隨英親王阿濟格。追流賊至九公山。敗敵三次。授牛錄章京。世職。是年冬。隨定西大將軍何洛會。征四川。時賊渠胡敬德於三永縣立營。偕副都統和托擊敗之。又敗高世藩兵三千。偕燾章京哈寧阿。攻克三寨山。復由山谷步擊。敗賊三次。賊率馬步兵下山來犯。連敗之。賊兵犯正藍旗汛地。偕燾章京阿爾津蘇拜往援。却之。又敗賊鍾總兵于曾蓋地方。四年四月。任戶部侍郎。五年三月。調吏部侍郎。六月。敘功。擢三等阿達哈哈番。世職。十二月。奉

命偕梅勒章京阿喇善。率八旗官兵赴英親王軍前。協



攻大同叛鎮姜瓖。凡敗賊七次。賊自代州北關衝突遁走。追斬無算。同蘇拜取代州關廂。又同都統阿喇善希爾根等。取渾源州。六年七月。擢本旗蒙古固山額真。仍管侍郎事。七年遇

恩詔。加世職爲一等阿達哈哈番。八年奉

命統官兵往征鄂爾多斯部落。九年二月。奏勦叛逆鄂

爾多斯部落。多爾濟等。於賀蘭山等處。盡殲之。

俘獲人四百。牛馬駝三萬二千九百有奇。是年

再遇

恩詔。加世職至三等阿思哈尼哈番。十一年三月。以勦

多爾濟功。加二等阿思哈尼哈番。累官至兵部

尚書固山額真。十三年卒。年四十九。

賜祭葬。贈太子太保。諡敏壯。

法譚。滿洲正紅旗人。姓塔塔爾氏。世居長白山

瓦爾喀地方。初以撥什庫。從達爾漢轄。敗明師

於遼東北岡。射殺六人。手刃二人。唇被傷。論功

賜馬二匹。從征葉赫。攻城。足被箭創。遷壯大。未幾。授牛

象章京。天聰三年。從征明。取旅順口沙嶺。並有

功。崇德三年。隨貝勒岳託。征明。至山東。攻郟城。

縣克之。授牛象章京。世職。任工部理事官。六年。



隨大兵圍錦州。敵自城中以勁兵來犯。偕葉克舒三戰三敗之。明經畧洪承疇統衆十三萬來援。隨大兵擊破之。八年。隨鄭親王濟爾哈朗征明。取前屯衛中後所。順治元年。隨豫親王多鐸破流賊入潼關。馬中矢仆。遂徒步率所部大戰。破之。以功加半個前程。三年。隨貝勒勒克德渾往湖廣勦流賊一隻虎。四年。考滿稱職。擢三等甲喇章京。五年。任提督九門步軍統領。三遇恩詔。加世職爲一等阿達哈哈番。兼一拖沙喇哈番。康熙元年。年六十四。以病致仕。五年卒。

恩賜祭葬。

科魁。滿洲正紅旗人。其祖吳爾昆。以備禦從

太祖高皇帝克遼東有功。授遊擊世職。後以駐防海州稱職。加授二等叅將。天聰三年。攻薊州。被創卒。科魁襲祖職。順治元年。任兵部理事官。五年。緣罪降世職爲拜他喇布勒哈番。七年。遇

恩詔。加一拖沙喇哈番。是年管甲喇章京事。九年。遇

恩詔。加至三等阿達哈哈番。復緣罪降爲拜他喇布勒哈番。兼一拖沙喇哈番。是年復征湖廣。有僞總督一員。總兵十員。率衆來犯。率本甲喇兵隨大



兵敗其衆一萬二千餘。師抵永安關。復敗賊三千。十一年。隨寧海大將軍宜爾德。往征浙江舟山。敗僞總制陳六御等。十四年。議敘舟山功。加世職爲二等阿達哈哈番。旋陞梅勒章京。累仕至杭州將軍。十六年。緣罪革本身軍功。所得世職。以其祖吳爾昆之拜他喇布勒哈番。與弟尼馬喇襲。

木成額。滿洲正紅旗人。姓鄂約氏。世居葉赫地方。崇德三年。隨揚威大將軍貝勒岳託。證明。攻行唐縣。不藉雲梯先登。拔其城。四年。授半個前

程世職。順治元年。隨大兵入山海關。偕甲喇章京科魁。敗流賊有功。二年。隨定國大將軍豫親王多鐸。南征。擊僞總兵姚子搯于餘杭縣。敗其衆萬餘。六年。隨大兵征大同。叛鎮姜瓖。賊犯正紅旗汛地。奮力拒敵。不失所守。七年。擒斬逆渠翟懸。劉定宇等。復永寧州寧鄉縣二城。七年九年三遇。

恩詔。加世職至三等阿達哈哈番。十一年。隨靖南將軍朱瑪喇。征廣東。屢立戰功。十三年。議敘。加爲一等阿達哈哈番。官至副都統。



鄂爾巴圖魯滿洲正紅旗人。天聰五年。以郭什喀擺牙喇爲哨探。時有報蒙古二人踰邊遁者。遂由海州河口。追至遼河射殺之。

賜布八疋。旋從前鋒叅領鄂莫克圖。伏廣寧紅廟。見賊瞭哨人於曠野。放火遂走擒之。

賜撒袋衣服等物。隨牛朶章京譚台柱。章京溫柴征廣寧。擒松山坐台敵兵有功。又隨豫親王多鐸。擊錦州兵。射死一人。崇德七年。攻錦州時。伏高橋。會明經畧洪承疇兵。自杏山往詣塔山。奮勇接戰。射死五人。再戰復射死五人。

賜馬二匹。八年。從奉命大將軍饒餘貝勒阿巴泰。征明攻河間府城。先登拔之。

賜巴圖魯號。授牛朶章京。兼半個前程。職。順治元年。從定國大將軍豫親王多鐸。南征。破流賊。入潼關。率本甲喇兵。劫流賊營。兩敗之。二年。至江南。蘇州府。率四旗兵。擊賊吳士魁。又擊賊姜祿雷。並敗之。七年。從征甘州。叛猗隨川陝總督孟喬芳。抵蘭州。賊以三萬餘衆。來奪黃河渡口。率本旗兵步戰。敗之。進攻甘州城。所部士先登克之。敘功。加授三等阿達哈哈番世職。七年。九年。三



遇

恩詔。加至一等阿達哈哈番。又一拖沙喇哈番。康熙三年十月。陞西安副都統。

鄂申巴圖魯滿洲正紅旗人。姓鈕祜魯氏。世居英額地方。其父巴賚。

國初。偕堂兄郭爾濟。率族屬鄉人等歸。

太祖高皇帝以巴賚爲親衛。仍於舊居之委和發三烏蘭山親地方居住。會有王家村人構兵。

太祖命巴賚率族衆攻村南面。

太祖親攻北面平之。招安村長準塔郭和以歸。壬子歲。

有葉赫烏喇哈達蒙古等九國犯境。巴賚隨大兵當先奮戰。敗敵有功。天命三年戊午。築城於寨樊撒爾湖爲界。設兵防守。以巴賚爲長駐扎之。四年己未。明總兵官劉挺等率兵由馬家寨等口。四出犯我疆圍。巴賚奮命爭先。殲厥三路。大敗明兵。五年庚申。由

興京遷都撒爾湖築城。扎客丹爲界。復

命巴賚爲長駐扎之。六年辛酉。攻取北平。巴賚先登拔其城。及攻取遼陽等處。巴賚力戰得傷甚多。一時



恩賚獨厚。又統兵駐守英額城。煮鹽於虎爾哈。輸儲於廣寧衛。屯田七載餘。又率兵攻取瓦爾喀。虜獲甚衆。

賞賜優渥。八年癸亥。

特賜民人百口。天聰六年壬子。以年老致仕。崇德八年卒。年七十八。子鄂中巴圖魯。崇德五年。從大兵。證明圍錦州。克松山。七年。隨奉命大將軍饒餘。貝勒阿巴泰。證明。王山東。拔臨清州。順治元年。四月。隨睿王多爾。元入山海關。破流賊。復追至保定。大殲之。六月。題固山額真葉臣。狗下直隸。

諸郡。進征山西。並在事有功。又隨靖遠大將軍英親王阿濟格。進剿陝西流寇。三年。隨征南大將軍貝勒博洛。定浙閩。四年。隨將軍哈哈木。剿陝西延安。分擊賊帥王雲祥於白水縣。時縣已屬賊。遂發火礮攻城。鄂申先登克之。又攻拔蒲城。仍先登。斬殺甚衆。九年。以功授拜他喇布勒哈番。

賜巴圖魯號。十年。隨靖南將軍哈哈木。往征廣東。破潮州。十一年。隨寧海大將軍宜爾德。征舟山。累敗。偽總制陳六御等。十四年十一月。敘功。加一拖。



沙喇哈番。康熙元年。任杭州協領。八年。擢鎮江副都統。十三年。從征逆藩耿精忠。至浙江。僞總兵閆標。率賊萬餘。破溫州。處州。六月。直犯金華。鄂申親率官兵。連戰大敗之。殺賊七千餘。斬僞官百員。生擒閆標等。僞官百七十二員。斬之。又耿逆兵勾連土寇。由溫州進逼金華。偕副將陳世凱。領滿漢官兵。擊殺逆賊七千餘。追奔二十餘里。獲器械旗幟無算。十五年八月。耿逆遣僞騎都尉連登雲等。重兵盤踞浦城縣石塘地方。以阻我師。鄂申偕總兵官陳世凱。溫處道姚啓

聖等。領滿漢官兵。分路進剿。自寅至亥。連破九營。殺賊甚衆。直抵石塘賊寨。焚燬木城。獲僞關防馬匹銃礮無算。是月。乘勝發兵。進取雲和縣。十六年十月。偕副都統伯穆赫林。敗賊於石井清寺等處。十八年十月。率官兵進抵東石地方。擊敗賊衆。殺逆賊僞叅將林英。擒僞總兵陳深等。斬賊兵一百六十三名。十九年。奉命大將軍和碩康親王傑書。以海中大定小定地方。逼近廈門金門。係我師必由之道。逆賊鄭錦遣僞將軍張志屯糧。欲聚此地。以拒我師。因遣鄂申率



滿洲及綠旗官兵齊進至大定地方奮勇勦殺賊不能支俱逃往小定我兵尾追賊衆不得船者俱溺河死遂焚燬賊巢遷回百姓恢復大定小定地方十九年十月偕副都統紀爾塔布率千人守漳州二十一年部議以鄂申在江山縣不能擊賊致陷在台州不奪小梁山在海州不能克祖山頭三事將功績抵銷猶奪其職三十二年卒年七十鄂申巴圖魯於

太宗文皇帝時効力行間至康熙二十一年凡經九十餘戰身被重創二十餘處出身行伍官至副統

統晚以軍機罷職然人念其前功咸稱爲勇將云

穆成格滿洲正紅旗人順治十一年任噶布什賢章京隨寧海大將軍宜爾德征浙江舟山敗僞英毅伯元思僞總制陳六御等十四年隨定遠大將軍世子濟度征福建海寇聞泉州府大營地方有賊千餘偕夸蘭大馬喇率官兵前往擊敗之斬賊首七百餘級又屢敗僞提督黃常等於新湖磯福前所白沙河是年議敘授拖沙喇哈番世職康熙十三年從征逆藩吳三桂至



江西十一月。僞總兵黃乃忠領兵數萬。自萍鄉來犯袁州。穆成格偕副都統甘度海。公倭赫。敗之於西村。斬首萬餘。又登山擊敗賊衆。斬首五千餘級。十二月。吳逆僞總兵張泰。據守安福縣。穆成格偕叅將色勒等進剿。殺賊五千餘。恢復安福縣。十四年七月。隨定南將軍內大臣希爾根。招撫江西泰和龍泉永新廬陵等縣。并湖廣茶陵永寧等州縣。僞官二百七十餘員。及家口兵丁六萬五千六百餘名。十月。奉

命叅贊鎮南將軍舒恕事。十五年。以功授拜他喇布勒哈番。十六年。偕鎮南將軍莽衣圖。進剿廣東。仍叅贊軍務。二十三年。任本旗蒙古副都統。二十八年。以老病致仕。四十三年卒。

予祭葬如例。以其孫阿思海襲職。雍正七年。阿思海以前鋒侍衛從征準噶爾。於九年六月。在和通胡爾哈諾爾地方。力戰陣亡。卹贈一拖沙喇哈番。胡里布。滿洲正紅旗人。姓何舍里氏。世居葉赫地方。父曰吳巴海。

太祖高皇帝收服葉赫國。以其人編設牛录。使吳巴海管其一。吳巴海卒。胡里布襲管牛录額真事。天



聰五年擢一等轄。尋任噶布什賢章京。崇德三年。從揚威大將軍貝勒岳託。征明。拆毀墻子嶺邊口。四路進兵。胡里布偕魯克都夾攻明兵。獲馬一百匹。駝二十隻。六年隨大兵征明。圍錦州。偕勞薩碩翁科洛巴圖魯。敗敵二次。又率所部踰松山濠。擊敵。敗之。又偕西特庫布爾遜。敗杏山敵兵。明經畧洪承疇。統兵來援。胡里布隨諸王進戰。大破之。松山敵兵乘夜來犯。復擊却之。旋隨武英郡王阿濟格。駐兵杏山。敵人自寧遠來犯。胡里布偕轟章京努山。敗其騎兵千餘。敵兵由沙河奔寧遠。復擊敗之。尋授梅勒章京。八年。偕噶喇昂邦。努山等。往界陵口。探我大兵消息。並令捉生。五月抵界陵口。斬其守備一員。兵三百餘。生擒千總一員。把總三員。是年隨大兵征明。至山東。偕希爾根。率噶布什賢兵。敗明柏總兵於薊州。順治二年。隨平南大將軍貝勒勒克德渾。征湖廣。追流賊至承天府等處。屢敗其衆。生擒二十人。斬首二百餘級。又偕噶喇昂邦。西特庫。圍承天府。獲船八艘。三年敘功。授半個前程世職。七年九年。三遇。



恩詔。陞爲三等阿達哈哈番。十三年。擢噶布什賢噶喇  
昂邦。康熙十二年五月。

聖祖仁皇帝念胡里布自

太宗文皇帝以來。効力年久。克著勞績。宜加寵錫。以示  
眷懷。加太子少師。是年。大兵由陝西進征逆藩  
吳三桂。十二月。

命胡里布以護軍統領充副將軍。偕安西將軍赫葉率  
師由漢中入蜀。十三年正月。偕赫葉進剿四川。  
屢立戰功。十六年歿於軍。

莫洛。滿洲正紅旗人。姓阿燕覺羅氏。世居長白  
山湖納河地方。順治初。任刑部理事官。康熙六  
年。擢都察院左副都御史。七年。擢山西陝西總  
督。八年二月。疏請免平涼。臨洮。鞏昌。三府所屬  
各州縣積欠錢糧。七萬八千三百餘兩。糧一十  
六萬三千餘石。

聖祖仁皇帝從之。五月。疏稱西安。鳳翔。漢中。延安。四府。  
興安一州。有新荒民屯。廢藩地畝。及從前捏報  
民丁。所徵銀三萬七千三百九十餘兩。糧一千  
二百八十餘石。俱係現在人民包賠苦累。請  
賜豁免。



聖祖復如所請。九月。吏部等衙門覆奏。鰲拜案內。牽連各督撫功過。分別具題。奉

旨。革莫洛職。十一月。甘肅巡撫劉斗。提督張勇。陝西提督柏永馥。會疏保留言。西安百姓趙璉等。具民本求轉奏。言莫洛居官清正。萬民愛戴。乞留原任。以慰輿情。得

旨。莫洛已經甄別處分。本當不復任用。據劉斗等合詞。奏稱莫洛有益地方。兵民數千。哀求代懇留任。又據百姓趙璉等。奏稱莫洛實心實政。老稚感悅。保奏留任。朕思簡用督撫。原欲綏輯地方。愛養百姓。今莫洛

既爲地方愛戴。特順輿情。免其處分。著復原官。九年十二月。陞刑部尚書。十年八月。疏言。刑部漢軍郎中員外郎缺出。應照滿官例。聽刑部堂官揀選。咨送題補。

聖祖從之。十二年冬。逆藩吳三桂反。十三年正月。大兵由陝西進。征三月。

聖祖特諭吏兵二部。陝西邊陲要地。西控番回。南通巴蜀。幅員遼濶。素號巖疆。茲逆賊吳三桂煽亂滇黔。四川從逆。秦省地處鄰封。恐有奸徒搖惑。人心不寧。雖有督撫提鎮等官。各盡乃職。但軍務繁重。必須特遣



大臣假以便宜相機行事。方可綏靖中外。固保邊疆。刑部尚書莫洛。前任秦督。深得軍民之心。諳曉地方情形。茲特授爲經畧。率領滿兵。駐劄西安。與將軍總督會同酌行。巡撫提鎮以下。悉聽節制。兵馬糧餉。悉聽調發。一切應行事宜。不從中制。文武各官。聽其選用。吏兵二部。不得掣肘。鄰省用兵。當應援者。酌量策應。如有軍機。將軍總督領兵以行。俟湖廣四川地方抵定。卽命還朝。應兼職銜。及應給勅印。爾二部會同具奏。尋

允部議。加莫洛爲武英殿大學士。仍以刑部尚書管兵

部尚書事。兼都察院右副都御史。

賜之勅印。經略陝西。五月。

聖祖特諭莫洛。朕聞鄭蛟麟來降。又聞克復朝天關。喜慰殊甚。此皆諸將軍謀略。頃者賊衆擁聚岳州。霖雨連綿。大兵不宜直前。俟雨霽風順。卽水陸並進。吳三桂果在澧州。乘虛徑襲其後。乃今日至要之機。如克復四川。可疾由交水以取貴州。或徑取雲南。其可否機宜。與諸將酌議密奏。六月。

命陝西道府以下官員。聽經略莫洛題補。先是

命莫洛遣副都統科爾坤進四川。馬一寶赴漢中。將軍



席卜臣提督王輔臣俱赴荊州。至是莫洛疏言科爾坤官兵已遣赴廣元。周有德軍前馬一寶官兵已遣赴漢中。副都統吳國正軍前席卜臣則令率每佐領護軍一名往漢中。總統馬一寶吳國正等之兵以副都統巴喀率每佐領驍騎一名同提督王輔臣往荊州尋奉

諭旨。貝勒貝子等既率八旗及蒙古兵赴楚王輔臣兵不必發荊州。或令王輔臣從將軍赫業等進取保寧。或仍駐平涼。聽莫洛調遣。巴喀即率兵赴順承郡王軍前。尋莫洛又疏言逆賊固守保寧。且廣元所屬百

丈關諸處賊衆盤踞。恐科爾坤兵力單薄。隨令副都統吳國正俟馬一寶兵至。即率官兵前赴廣元。七月疏言。大兵在保寧與賊相持。恐運餽日久。秦民必致疾苦。臣今親赴漢中。酌量分路進發。貝勒董額等若率衆盡行。慮致遲滯。請勅貝勒董額以所領驍騎併入康親王軍內。自率所部輕騎赴西安。旋進四川。得

旨。董額部下兵無多。所將驍騎既入康親王軍內。輕騎入川。兵力單薄。可令貝子公等亦各率所部輕騎並力前進。先是莫洛以秦省兵單。請添設綠旗兵以資



戰守八月奉

聖祖諭增兵必須增餉。國家錢糧止有此數。茲大兵進  
勦浙江江西湖廣。需餉浩繁。爾經畧所知。前因餽運  
不給。致王懷忠等兵逃散。秦民供億入川。兵餉已極  
勞苦。若增兵萬餘。貝勒經畧又統諸軍深入。萬一糗  
糧難繼。恐禁旅有匱乏之虞。而綠旗兵復蹈前轍矣。  
經畧身在地方。洞悉情形。或不煩增兵。卽親行入川。  
或必須議增。方可進發。或以秦省重要。不必親行。遙  
措兵餉。其逐一詳議以聞。至是莫洛疏言。陝西舊兵  
內。王懷忠所率四千。悉已逃散。今王輔臣又率  
二千以行。除此六千。照額招補外。所增無多。蓋  
增則戰守調遣。均有裨益。陝西得以保固。故臣  
以爲增之便。若四川速定。則錢糧有資。而秦民  
又得息肩。臣仍宜親統官兵。協力進勦。平定西  
川。疏入。

詔從所請。九月疏言。臣於本月十一日由秦進川。貝勒  
等到西安時。養馬繼發。請

命四川總督周有德。巡撫張德地。副都統科爾坤等。同  
守朝天關。廣元諸處。轉運大兵糧糗。並

勅將軍等拒守保寧。以待大兵之至。



聖祖諭云。莫洛身在地方。軍機緩急。自有確見。可與將軍席卜臣。前往廣元。進取昭化。疏通糧運。平定四川。總督周有德。巡撫張德地。副都統科爾坤等。於經畧未到之先。將廣元所有糧米。運送軍前。又廣元兵少。甚屬可虞。或令席卜臣兵先赴廣元。秣馬以待。或候經畧同發。俱令莫洛酌行。十月

聖祖手勅諭莫洛曰。據坐塘筆帖式報。有賊三路來犯。寧羌被圍。念爾總統川陝。必有成算。始行進兵。朕可無憂。但寧羌地屬陝西。且爲大兵後路。當此糧匱兵疲。又不得不履朕懷。爾宜速行救援。使大兵如渴遇飲。庶幾有濟。十一月。疏言。廣元大兵缺餉兩月。畧陽糧艘爲賊所劫。賊又屯聚七盤朝天諸關。我師餉道梗塞。得

旨。莫洛率兵速赴七盤朝天等處。會同將軍席卜臣。勦滅賊寇。疏通餉道。進取昭化。與大兵協力克復保寧。尋總督石哈疏言。蜀中水陸賊阻。糧運難繼。且逆賊窺伺陽平等處。尋奉

旨。大兵徂征。惟餉是賴。今旣餉運難繼。我師未便久駐。令大將軍貝勒董額。經畧莫洛。四川總督周有德。巡撫張德地等。撤保寧兵回廣元。經畧親身殿後。調廣



元兵回漢中。固守陽平等處。殲除寧羌諸賊。整頓士馬。再圖恢復。十二月。莫洛駐兵寧羌州南教場。初四日。提督王輔臣標兵猝叛。來攻莫洛營。莫洛親隨滿兵併力射却之。既而輔臣身自督戰。衆遂復攻。礮矢齊發。莫洛中鳥鎗死。所部章京筆帖式等死者甚衆。二十二年。

子祭葬。諡忠愍。贈拜他喇布勒哈番。又一拖沙喇哈番。以其子常喀襲職。

穆舒。滿洲正紅旗人。姓鄂卓氏。世居葉赫地方。康熙十六年。以旗員隨大兵進剿逆藩吳三桂。

至四川保寧。有賊兵來犯我營。穆舒誓死決戰。將甲上記號付與將軍。遂率官兵進戰。擊賊逆寇。

聖祖仁皇帝聞之。深嘉其勇。從優陞本旗蒙古副都統。十七年。隨大兵由湖廣進征吳逆。僞將軍杜輝。巴養元。江義等。率舟師二萬餘。陣於洞庭湖柳林嘴。穆舒同討逆將軍鄂內。擊敗之。賊復來戰。復敗其兵萬餘。旋與賊戰於湘陰縣之九馬嘴地方。陣亡。贈拜他喇布勒哈番。以其子穆善襲職。



八旗通志 卷一百五十八  
傑殷滿洲正紅旗人。初任一等轄。尋管擺牙喇甲喇章京事。康熙八年。擢本旗滿洲副都統。十一年。擢本旗護軍統領。十四年四月。察哈爾侵掠鄂西奚地方。奉

聖祖仁皇帝命。偕安北將軍內大臣舅舅佟國綱。率兵往鎮宣府。五月。察哈爾歸順。偕平逆將軍畢力克圖。引兵赴榆林。平定延安諸處。同叅贊軍務。六月初三日。師抵謝村。分兵三隊。傑殷乘夜先發。黎明軍於河上。賊三千餘。拒守楊家店渡口。遂引兵鳴角盡渡。賊披靡遁去。翌日。克吳保縣。

遂趨綏德。初八日。遇賊於虎爾崖山口。復擊敗之。賊帥朱龍遁走定邊。餘賊出降。綏德平。七月。偕畢力克圖。進取延安。分隊前進。敗偽彭總兵李叅將兵萬餘於寶鷄縣仰天池。又敗偽總兵李士英於宜川之九龍山。破其三營。賊聞風潰敗。掩殺無算。恢復延安。又擊賊於羅家舖。岐山。紅山嘴等處。累戰有功。僞將軍王屏藩引賊三千。自禮縣來犯。敗之於西和縣之北山。至牡丹園三十里堡。遇賊二千餘。連戰並敗之。十五年。四月。賊衆萬餘。直犯通渭縣。城守官兵以兵單



逃避山寨。傑殷與靖逆將軍張勇聞警卽由伏  
羌進發。與撫標遊擊岳鎮邦等合兵援剿。行至  
十八盤坡。遇賊全隊。遂分兵爲兩翼。衝鋒直前。  
大破之。乘勝奪門。復通渭縣城。賊四散奔逸。追  
斬七百餘級。獲駝馬器械無算。十七年二月。偕  
揚威將軍阿密達率兵進取漢中興安。擊僞彭  
總兵陳總兵於風高嶺。敗其衆三千餘。二十五  
年。議敘前功。授拜他喇布勒哈番世職。二十六  
年卒。

子祭葬如例。弟傑篤順治十六年。以擺牙喇甲喇章京  
隨安南將軍達素。征福建海寇。攻廈門。破賊舟  
師六百餘隻於澄浦嶼地方。康熙十三年。隨前  
鋒統領穆占。征逆藩吳三桂。由陝西進四川。擊  
僞總兵石存禮等於朝天關。又於蟠龍山破僞  
將軍王屏藩。鄭蛟麟。吳之茂等。師進娘娘廟。傑  
篤以殿後拒敵。歿於陣。卹贈拜他喇布勒哈番。  
又一拖沙喇哈番。族叔父翰雲。

國初來歸。授二等叅將世職。管半個牛录事。崇德  
五年。從大兵征明圍錦州。有松山敵兵來奪我  
紅衣礮。翰雲偕梅勒章京碩占擊退之。又偕固



山額真葉克舒。敗明經畧洪承疇。援兵二次。順治元年。從睿王多爾袞。入山海關。偕固山額真杜雷。破流寇。追至慶都縣。大殲之。敘功。加世職。爲一等甲喇章京。

董吉納。滿洲正紅旗人。姓鈕呼魯氏。世居烏喇地方。康熙十九年。以護軍校委署護軍叅領。隨征南大將軍賴塔。征逆孽吳世璠。敗賊僞將何繼祖。王私勲等。於石門坎黃草壩。直抵雲南省城。有僞將軍胡國秉。劉起隆等。率賊衆萬餘。排列挨牌鎗礮拒敵。董吉納率本甲喇兵擊敗之。

二十五年。議敘。授爲拜他喇布勒哈番。五十九年。由杭州協領。部委夸蘭大。隨定西將軍噶爾弼。取招安藏有功。又加一拖沙喇哈番。累陞至江寧將軍。雍正四年。調鑲藍旗滿洲副都統。五年正月。緣事革職。

寧古里。滿洲正紅旗人。父安珠瑚。順治十一年。以壯大從征僞安西王李定國。至廣東。破賊有功。授拖沙喇哈番世職。卒。子寧古理襲。康熙二十年。寧古理從征逆孽吳世璠。由廣西進雲南。在石門坎黃草壩。敗賊二次。敘功。加一拖沙喇



八旗通志 卷一百五十八  
哈番。合原襲職為拜他喇布勒哈番。三十六年。復從征厄魯特噶爾丹時。由西路進兵有功。事平議敘。再加一拖沙喇哈番。五十年。由護軍叅領陞授荊州副都統。五十五年。率荊州兵由松潘進兵。平定西藏。雍正二年。緣事革職。

八旗通志初集卷之一百五十九

名臣列傳十九

鑲白旗滿洲世職大臣一

楊善 弟季賽

宜蓀

納都祜

吉蓀 子蘇丹  
孫邁圖

吳丹 曾孫伊成格

席卜臣

哈寧阿 弟伊成格  
孫噶布喇

伊成格子伊勒慎 族

季思哈

孫華善 弟吉布克達 弟之子尼  
滿 弟之孫穆舒渾 族人穆虎  
達爾布巴圖魯

穆森

富喇克塔 族弟席賴



葉喜 兄之子陳布祿  
尼堪 弟阿穆爾圖



楊善滿洲鑲白旗人。姓瓜爾佳氏。世居蘇完地方。

太祖高皇帝戊子年。其祖索爾果率子費英東札爾固齊等十人。及五百戶來歸。

太祖嘉之。以索爾果為一等大臣。費英東等十人皆為備官。楊善索爾果第四子音達戶齊墨爾根之第二子也。初以其祖索爾果歸附功。授備禦世職。

太宗文皇帝即位。設十六大臣。以楊善為鑲黃旗大臣。天聰元年。擢擺牙喇。燾額真。三年。隨大兵征明。



北京擊馬總兵。衝入其陣破之。薊州步卒來戰。同楊古利額駙奮勇前擊。五年攻取大凌河。與明太僕寺卿兼監軍道張春戰。引燹陷陣。擊敗其眾。胸腕各中一創。授遊擊世職。擢內大臣。六年。

太宗親統大兵往征察哈爾。林丹汗率眾遠遁。其部民近明界沙河堡者。竝逃入沙河堡內。楊善奉

命率精兵往取之。獲男婦三百二十。牲畜千四百四十。

崇德二年。征大同。突前克敵。悉奪所擄諸蒙古。以還。旋擢議政大臣。六年。征明圍錦州。楊善獨

先眾衝擊。口為火礮所傷。順治五年。何洛會誣

告肅親王。竝連及楊善依附。與子內閣學士羅

碩俱坐斬。八年。

世祖章皇帝念其無辜被誣。仍授三等阿達哈哈番。以

其孫霍洛襲。霍洛長子鄂奇。仕至甘肅巡撫。第

三子穆賽。仕至正藍旗都統。鄂奇子伊泰。康熙

癸未科進士。原任翰林院檢討。楊善之弟有季

賽者。初任牛录章京。順治元年。入山海關。同固

山額真覺羅巴哈納。擊敗流賊馬兵。又追殺至

慶都縣。論功。授半箇前程。五年卒。以其子吳博



赫襲。

宜蓀，楊善第三弟也。早從征伐，屢立戰功。天命九年，以宜蓀在任能稱職，又善馭兵，授爲副將。十一年，任八旗理事十大臣之列。緣事革職，尋從征遼陽有功。又從征多羅特，遇蒙古步兵衝入其陣，以步戰敗之。天聰三年九月，征明北京，率二十人潛攻邊城，與五人相繼而登。十一月，攻遵化縣，先本固山人登城，火礮傷臂，創甚。太宗文皇帝親往視之，授遊擊世職。七年，兼管牛錄章京事。崇德元年九月，伊勒慎奏海州娘娘渡口兩岍敵船百餘，我軍船小人少，不敢進擊。宜蓀奉

命率每旗官一員，兵一百四十名往援。明兵望風引退。十月，班師。二年，更定部院官制，擢宜蓀爲兵部承政。四年十一月，以承政兼梅勒章京奉

命副左翼主帥薩穆什喀等率官兵往征索倫部落。

賜珊瑚數珠。五年三月，至虎爾哈部落。時有達布尼、阿哈爾都戶、白庫都、漢必爾代四人聚七屯之衆於兀庫爾城。宜蓀與薩穆什喀等帥師乘旦攻城。於嘉隆噶汎地舉火，至晚克之。進至鐸陳，又



力攻一日。至次日復欲進攻。各路哨卒來報博穆博果爾索倫之兵來援。恐傷我兵。遂還。已而薩必圖。趙布泰等率兵來助。宜蓀率每固山章京一員。每牛录下兵二人。往喇里闡至鐸陳地方設伏。斬敵七十人。七年卒。子噶達渾襲三等甲喇章京世職。順治二年。

世祖章皇帝念宜蓀爲功臣。加噶達渾世職爲二等甲喇章京。三年卒。子沙爾布襲。七年。

恩詔。加一等阿達哈哈番。卒。宜蓀弟納都祜襲職。十二年。以宜蓀爲開國勲臣。忠誠勤篤。有裨封疆。始終竭力。爲國勞勩。追諡襄壯。勒石紀其功焉。

納都祜。楊善第八弟。初管擺牙喇甲喇事。順治元年。隨睿王多爾袞入山海關。擊破流賊馬步兵。以績授半箇前程。是年十月。隨定國大將軍豫親王多鐸南征。擊流賊於潼關。敗賊二次。二年五月。同一等公圖賴等。追僞福王至蕪湖縣。我兵所駐。有賊來犯。納都祜率本固山兵擊敗之。三年。隨揚威大將軍豫親王多鐸。追騰機思。擊敗土謝圖汗兵。復敗碩羅汗兵。五年。隨征南大將軍固山額真譚泰。征江西叛鎮金聲桓。賊



以馬步兵一萬一千。出城犯正白旗所守汎地。納都祜往助擊敗之。金聲桓同其副僞建武侯王得仁。以兵七萬來犯。納都祜率本甲喇兵奮擊。敗其衆。金聲桓復以馬步兵一萬五千。犯正白旗擺牙喇所守汎地。復率本甲喇兵擊敗之。時結營南昌府章江西岍。遇賊運糧船三百餘隻。率固山兵擊敗之。獲船三十隻。七年遇

恩詔。加拜他喇布勒哈番。世襲罔替。是年襲宜蓀之孫沙爾布一等阿達哈哈番。併爲三等阿思哈尼哈番。世職罔替。九年遇

恩詔。加爲二等阿思哈尼哈番。尋敘從前軍功。加一等阿思哈尼哈番。歷任至副都統副都御史。又遇恩詔。由一等阿思哈尼哈番。加一拖沙喇哈番。緣事降爲二等阿思哈尼哈番。十五年遇

恩赦。復爲一等阿思哈尼哈番。世襲罔替。十八年。卒於官。無嗣。以所撫養兄吉賽之子盧博赫分襲二等阿達哈哈番。後累官至鑲黃旗滿洲都統。康熙四十年。緣事革。吉蓀楊善第四弟。

太宗文皇帝時。効力行間。以軍功授甲喇章京。世職。緣



事革退。復擢用。仕至禮部承政。子蘇丹。管牛糸章京事。順治十年。從征湖廣。與賊戰於衡州。陣亡。贈拖沙喇哈番世職。以子邁圖襲。康熙十五年。邁圖從征逆藩吳三桂。至江西。隨副都統多諾。擊敗僞都督郭應福於泰和縣。十六年。至廣東韶州府。與賊力戰。歿於陣。加贈拜他喇布勒哈番。

賜祭葬如典禮。

吳丹。吉菴第五子也。順治十八年。隨征東將軍季什哈。往征山東土寇于七。擊敗其黨呂思啓。

楊明吾等。又敗賊將蔣靖綱兵於嶺上。康熙四年。隨征湖廣茅麓山流寇。射殺賊兵。又敗賊於上王坪地方。十四年。從撫遠大將軍信郡王鄂扎。往征察哈爾布爾尼。於大魯山溝。又連敗賊衆。事平敘功。授世職爲拜他喇布勒哈番。兼一拖沙喇哈番。仕至副都統。病卒。以其孫齊敏襲。伊成格者。齊敏之子也。初襲父世職。雍正七年。從征準噶爾。九年。在和通呼爾哈陣亡。議卹。又加贈一拖沙喇哈番。以族兄之子蘇冲阿襲。席卜臣。楊善叔父。郎格之孫也。郎格官至尚書。



兼議政大臣。席卜臣年十六時。卽在行間。從征董夔。圍遵化。取大同。俱有功。天聰五年。授爲噶布什賢轄。崇德元年。隨睿親王多爾袞。征明山東。過北京。我師營於通州。遇明高太監率兵來戰。席卜臣同蘇爾德擊敗之。又敗其來犯正藍旗營汛之兵。二年。

太宗文皇帝統兵征朝鮮。席卜臣與勞薩碩翁科落巴圖魯前行。遇敵輒敗之。直抵朝鮮王京。旋隨肅親王豪格往視山海關。遇中前所城內敵兵出。同索渾擊敗之。初圍錦州時。杏山馬兵來援。同噶喇昂邦吳拜迎擊。大破其衆。錦州馬步兵出城刈草。又屢敗之。三圍錦州時。擊敗明軍門洪承疇三營兵。我師駐劄格超。有明寧遠馬兵一千來探。及還。席卜臣與噶喇昂邦吳拜等尾其後。追至連山。斬殺甚衆。奉

命與勞薩碩翁科落巴圖魯努山等。往視遮嶺口。擊敗明馬步兵。順治元年。隨大兵入山海關。擊流寇。與賊僞總兵唐通戰。敗之。復於安肅慶都二縣。敗賊有功。流寇南遁。二年。隨靖遠大將軍英親王阿濟格往征。至太原府。城內賊兵突圍出。席



卜臣同鄂莫克圖擊敗之。追至黃河。沉其船六隻。進抵湖廣承天府。賊列陣於江上拒敵。卽同席特庫乘船擊敗其衆。獲戰艦十四隻。又同席特庫屢敗賊衆於延安府。論功授半個前程世職。尋擢噶布什賢章京。三年。隨靖遠大將軍肅親王豪格征四川。遇賊何進馬步兵。席卜臣督兵衝擊。破其衆。復敗何進兵於高川地方。又同胡里布率噶布什賢兵四十名。持書往諭偽八大王張獻忠。路遇賊馬兵來截。兩戰俱却之。將至賊營。張獻忠率馬步兵出戰。我大兵亦繼至。

遂奮勇進擊。賊兵潰。獻忠亦被殺。是日也。連敗賊六次。席卜臣俱在事有功。五年。從征大同叛鎮姜瓖。有賊來犯正白鑲白二旗汛地。同燾章京蘇拜擊敗之。賊又犯正白旗汛地。同委署燾章京羅漢擊敗之。又用紅衣礮攻大同城。賊三次來奪我礮。俱敗其衆。又敗偽揚副將於親奎地方。敗賊將張嘉順於進士鎮。往援代州城。解平陽之圍。席卜臣並在行間。七年。九年。三遇

恩詔。加至三等阿達哈哈番。十一年。陞燾章京。奉

命與固山額真阿爾津征湖廣。席卜臣分兵攻賊岳黃。



破其營。賊又乘夜來犯。復擊敗之。招撫僞官大小五十餘員。往圍辰州府。賊馬步兵遁。追及多所斬獲。駐劄永定衛。所屬把總率兵千餘叛去。遣官兵擊之。悉殲其衆。尋以未奉

旨擅發兵。部議治罪。

世祖章皇帝特寬宥之。十六年。海寇圍江寧。席卜臣與安南將軍明安達禮等。自荊州赴援。破僞都督楊文英等於揚子江港口。獲僞關防一。船七十隻。加世職爲二等阿達哈哈番。康熙九年。陞都統。兼管佐領。尋加太子少傅。十三年。逆藩吳三

桂反於雲南。四川叛降於賊。陝西亦蠢動。正月。授席卜臣爲鎮西將軍。與副都統巴哈德業立往保守西安。應進川大兵。六月。鎮守漢中。未幾。命往廣元疏通餉道。進取昭化。與大兵協力克復保寧。

尋從總督石哈疏請。復調廣元兵回漢中。先是。席卜臣與都統赫業。總督周有德等。進取保寧。扎營於蟠龍山。分兵駐槐樹驛。郿嶺。接應糧運。爲賊所劫。糧運阻絕。及抵漢中。兵糧匱竭。取賊麥食之。越數月。食已盡。計欲保全大兵。乃自漢中出。沿路擊賊。回至西安。十九年。



詔還京。二十二年。議政王大臣會議席卜臣等軍前功罪具奏。得

旨。席卜臣但革職。免籍沒。蓋念其從前尚有勞績云。

哈寧阿。滿洲鑲白旗人。姓富察氏。世居額宜湖地方。

太祖高皇帝丁未歲。同其父阿爾圖山。殺薩齊庫城主。率其全城丁壯來歸。授阿爾圖山爲備禦官。會編設牛衆。卽以其所率丁壯編一牛衆。俾哈寧阿統之。從征雅蘭。商堅。哈達。奉集堡等處。奮勇擊敵。所向無前。天聰三年。任燾章京。隨大兵征

明至北京。與明經畧袁崇煥。總兵祖大壽戰於廣渠門外有功。授備禦世職。五年。從征大凌河。六年。從明畧大同。十年。從攻皮島。俱有功。累加至二等甲喇章京。世職。崇德二年四月。擢議政大臣。三年十二月。以隨豫親王多鐸往會鄭親王濟爾哈朗軍。路遇明兵。坐不奮擊。罪革職。尋復任燾章京。六年。明經畧洪承疇率兵十三萬來援錦州。

太宗文皇帝親率大軍往征之。環松山而營。

諭諸將曰。今夜敵兵必遁。左翼四旗擺牙喇燾章京鰲



拜巴圖魯哈寧阿等。可率本旗擺牙喇至右翼排立。右翼四旗擺牙喇。及阿禮哈超哈蒙古兵。噶布什賢兵。俱比翼排列。直抵海邊。各固守汛地。是夜一鼓。明兵果遁走。沿海潛奔。哈寧阿等相繼追擊。大破之。尋進攻松山。追阿爾薩蘭敗兵。遇敵兵據守山巔。擊敗之。獲其馬匹甚衆。又同兩黃旗兵敗敵步卒。八年三月。同纛章京阿爾津。往征虎爾哈部落之黑龍江。獲波和里。諾爾噶爾。都里。三處男子七百二十五名。小噶爾達。蘇。大噶爾達。蘇。綽庫禪。能吉爾。四處歸順男子三百二十四名。俘婦女幼小一百九十九口。獲馬三百十七匹。牛四百二頭。貂狐等皮張甚多。七月師還。

賜哈寧阿貂皮七十張。婦人三口。獵犬一隻。銀一百兩。

與阿爾津同。順治元年。隨睿王多爾袞入山海關。追勦流寇至慶都。大破其衆。又率噶布什賢兵追至真定。破之。賊焚輜重。倉皇遁走。二年。敘功。授三等甲喇章京世職。是年征流賊至綏德州。賊聞風遁走。同噶喇昂邦。席特庫。希爾根。追及敗之。至延安府。城內兵出犯。與戰復敗之。又擊賊馬步兵。直逼城下。敗其衆。同賈塔追武昌。



府遁出之賊兵。適見我軍五人。爲賊二百餘人所困。遂從傍衝入賊陣。擊敗之。救出我軍。又同鰲拜巴圖魯圍承天府。獲舟八十艘。與譚泰進至揚子江。遇賊舟。率所部兵前擊。獲二十三艘。又自揚子江。與希爾根追賊至富池口。奪其戰艦。並敗河岸駐扎馬步兵。同梅勒章京阿拉善往跡賊。遇賊馬步兵三千餘。擊敗之。論功。加授世職爲二等甲喇章京。三年。隨靖遠大將軍肅親王豪格征四川。同蘇拜。噶達洪。擊敗郭習禮賊兵三千餘。在圍三寨山。賊帥吳大定引兵來戰。時石國璽約爲內應。同梅勒章京阿拉善。署燾章京噶達洪。夾擊敗之。遇流賊八大王張獻忠兵。率我師迎擊。連敗之。又擊敗僞鍾總兵。以功加授一等阿達哈哈番。五年卒。年六十。弟伊成格。

國初任牛彖額真。天命八年。從征扎魯特代青。先衆擊敵有功。天聰六年。從征大同。與其兄燾章京哈寧阿。率二十人前行。遇敵騎二百。卽率衆擊之。斬十餘級。時我兵往收察哈爾遺民。伊成格同準塔巴圖魯。噶賴等。各率十人前往偵探。



遇明哨卒二十人。生擒一人。餘盡殲之。至平魯衛城。同屯齊哈。及固山額真圖爾格。那木泰。二人。擊其步卒。敗之。陣斬百餘人。獲大纛四杆。崇德元年。大兵征朝鮮。攻長山嶺。伊成格直登山頂。大破朝鮮兵。三年八月。隨揚威大將軍貝勒岳託征明。遇山海關丁副將兵三千來拒。卽同鞏阿岱敗其衆。追至豐潤縣。斬之。又擊敗明太監高起潛及侯總兵等。十月。同喀爾塔喇。多爾錦。阿喇密。敗明兵。斬首七十餘級。獲纛二杆。四年。以功授半個前程。順治五年。緣事革職。八年。事白。仍授拖沙喇哈番世職。以子伊勒慎襲。十二年。管牛菜事。康熙元年。隨定西將軍公愛星阿。征雲南。平僞桂王。効力戎行有功。二十九年。從征厄魯特。噶爾丹。至烏闌布通等處。破賊。遂由護軍叅領陞副都統。三十年。調西安副都統。尋遷護軍統領。未幾。陞都統。三十四年。大兵征勒厄魯特。噶爾丹。伊勒慎率續發官兵赴西路。叅贊大將軍伯費揚古軍務。三十五年。聞

聖祖仁皇帝親至克爾倫河。伊勒慎鼓勵將士。擊破賊兵。論功。加授拜他喇布勒哈番。尋以年老解任。



八旗通志 卷一百五十九  
噶布喇哈寧阿之族孫也。順治六年。從征大同。叛鎮姜瓖。賊兵犯我汛地。兩戰皆敗之。乘勝抵汾州府。至進士鎮。並敗賊有功。九年。遇

恩詔。二次。加授拜他喇布勒哈番。是年。隨固山額真噶達洪。征鄂爾多斯。擊多爾濟席穆圖二營兵。盡殲之。出駐防荊州。在盧溪縣。擊賊郭嘉王嘉二千伏兵。率所部士卒。敗其衆。十六年。從征福建。攻廈門。海賊鄭成功。列戰艦六百餘艘於海上。拒敵對陣。敗之。遣同佟濟等往蓋峙山。與賊兵戰。歿於陣。議卹。加贈二等阿達哈哈番。以其子

噶林襲。

季思哈。滿洲鑲白旗人。姓吳蘇氏。世居瓦爾喀馮家村。先投吳喇國。以其貝勒不足事。復孑身來歸。

太祖高皇帝嘉其誠。授牛录額真管牛录事。從大兵征明有功。授遊擊世職。天命六年。大兵取遼陽城。季思哈督本甲喇兵。監梯先登。克之。天聰八年。敘功。加世職爲二等甲喇章京。是年。同吳巴海征東海一帶。虎爾哈部落。俘婦女幼小一千四百。獲馬一百九十有四。牛二百有三。及皮幣人



參等無算。九年。敘征黑龍江功。以季思哈隨霸奇蘭薩穆什喀。出師奏績。陞世職一級。加授為一等甲喇章京。崇德元年九月。從征朝鮮。聞明有遊擊四員。兵二千。入讎場。率每旗章京二員。兵五百名。星夜馳往躡其後。明兵遁。二年正月。同理藩院叅政尼堪。率每旗甲士十人。引外藩科爾沁諸部落兵出咸鏡道。往征瓦爾喀。四月。至會寧。殺平壤巡撫。及兵二千餘。獲馬千餘匹。又設伏誘殺副使五員。兵萬人。獲馬千匹。餘兵盡降。所過城郭。獻牛及緞疋青布麻布白布等

物甚眾。五月凱還。歷陞至吏部叅政。二年四月卒。子紀瞻襲職。順治七年。九年。三遇

恩詔。加至二等阿思哈尼哈番。康熙元年。緣事降為一等阿達哈哈番。以其弟之子華善襲。三十五年。征厄魯特噶爾丹。華善隨大將軍伯費揚古。率兵赴西路進剿有功。由一等阿達哈哈番。加一拖沙喇哈番。五十一年。以病告退。弟吳廣襲職。累官至副都統。吉布克達者。季思哈之弟也。

太祖高皇帝時。率本屯人。越長白山來歸。授半個牛錄章京。以壯丁二百五十人。令其專管。天命四年。



從大兵征明有功。授一等叅將世職。六年。隨太祖大兵畧明奉集堡。守城總兵李秉誠引三千騎出城六里駐營。遣兵二百來偵。遇我左翼四旗兵。兩路追擊。至山之巔。山上有明兵結爲方陣。見我兵至。遂拔營奔回。吉布克達尾擊。奮射之。直抵壕岸。城上發巨礮。吉布克達中礮而歿。世職未襲。天聰八年。

太宗文皇帝追卹其功。贈世職爲二等甲喇章京。以其長子卦爾察襲。崇德三年卒。次子尼滿襲。七年。尼滿從征明圍錦州。松山馬兵來奪我紅衣礮。率本甲喇兵擊敗之。順治元年。隨睿王多爾袞入山海關。破流寇。又追至慶都縣。敗之。二年。敘功。加世職爲一等甲喇章京。兼半個前程。五年卒。以兄卦爾察之子穆舒渾襲一等阿達哈哈番。兼一拖沙喇哈番世職。七年。九年。三遇

恩詔。加至一等阿思哈尼哈番。十年。緣事降爲三等阿思哈尼哈番。十一年。隨靖南將軍朱瑪喇征廣東。擊敗僞安西王李定國步卒於新會縣東山。定國敗遁。穆舒渾隨都統敦拜等往追。遇僞都督吳三省。僞總兵楊誠。王三才。列陣拒戰。復擊



敗之。十三年論功。加授二等阿思哈尼哈番。康熙十二年冬。逆藩吳三桂反。十三年。隨寧南靖寇大將軍順承郡王勒爾錦。由湖廣往討。十四年。調守西安。十五年。鎮守商州。擊敗峻嶺川逆賊。恢復山陽縣。得

旨嘉獎。下部議敘。歷陞至副都統。尋以病卒。二十二年。緣事追革。本身所得拜他喇布勒哈番。降爲一等阿達哈哈番。兼一拖沙喇哈番。以其弟之子特屯襲。季思哈族人。有穆虎者。初任牛录章京。崇德四年。隨曹海薩穆什喀。往征薩哈連吳喇。擊鐸陳兵。力戰陣亡。五年敘功。追贈牛录章京世職。又有達爾布巴圖魯者。亦季思哈族人。初任壯尼大。崇德八年。隨奉命大將軍貝勒阿巴泰。征明至山東。用雲梯攻昌邑縣。先衆躍入。遂克其城。

賜號巴圖魯。授牛录章京世職。順治元年。隨睿王多爾袞入山海關。擊流賊。敗之。二年敘功。由牛录章京世職。加半個前程。七年。九年。三遇

恩詔。加至一等阿達哈哈番。

穆森。季思哈弟。吉布克達之三世孫。康熙十九



年以六品廕生。隨征南大將軍賴塔。往征雲南。逆孽吳世璠。破僞將軍何繼祖等於廣西之石門坎。入雲南境。又敗之於黃草壩。乘勝抵雲南省城。僞將軍胡國柄。劉起隆。黃明等。出城拒敵。穆森隨三路官兵擊敗之。又同都統希佛。追僞將軍馬寶巴。養元等於烏木山。敗其衆萬餘。二十五年。議敘。優授拜他喇布勒哈番。兼管佐領。累陞至鑲白旗滿洲副都統。三十五年。緣事革職。併革世職。三十七年。復擢用爲王府長史。五十年。陞正白旗蒙古副都統。尋轉鑲黃旗滿洲副都統。五十三年。遷護軍統領。明年。往署寧古塔將軍印務。未幾。

召還。授鑲黃旗滿洲都統。雍正五年。又調正白旗滿洲都統。歷任顯秩三十餘年。恪共厥職。始終未嘗少改。年老乞休。奉

旨。准以原品休致。仍賜半俸。以酬其勤勞焉。孫七十一。三格。俱成進士。

富拉克塔。滿洲鑲白旗人。姓郭爾羅氏。世居沾河地方。祖曰常舒。同弟楊舒。自沾河率衆來歸。授牛錄章京世職。父曰察哈喇。由牛錄章京。歷



陞十六大臣之列。尋授刑部承政。天聰初。從征南島有功。定朝鮮歲貢。平廣寧地。富拉克塔於太宗文皇帝時。歷任至固山額真。兼管牛錄。順治元年。隨睿王多爾袞入山海關。破流賊。追擊至慶都縣。授牛錄章京世職。十月。同定國大將軍豫親王多鐸南征。至潼關。擊流賊。破其第一營。第二營。攻武岡寨。同拜尹圖督放紅衣礮克之。孟良山土寇二千。來犯外藩蒙古營。卽督我兵進戰。敗之。又敗孟良山寨。駐立步兵二千餘。二年。隨貝勒博洛征福建。至浙江處州府。有僞副將七人計議來降。約爲內應。遂同纛章京阿濟格。尼堪率章京兵馬於所約處。豎梯進攻。克其城。擒殺二王一伯。旣入福建境。同固山額真宗室韓岱。往征泉州府。擊敗黃總兵馬步兵一千八百餘人。有陳副將馬步兵一千三百。駐營山上。同宗室韓岱擊敗之。併招服一州三縣。四年。敘功。由牛錄章京世職。加半個前程。五年。從征南大將軍譚泰。征勦江西叛鎮金聲桓。其黨僞建武侯王得仁。以馬步兵七萬來犯。率舟師擊敗之。獲船二十二隻。王得仁復以兵來犯。仍敗之。獲



船九十三隻。我兵結營江干。賊自南昌府出迎。運糧船。遣喀爾塔喇吳班等擊敗之。賊運糧船將入城。又同固山額真何洛會遣喀爾塔喇吳班等擊之。獲其船二百餘隻。南昌府近城賊兵拒敵。我師不能進。因掘小河決水。使沙船二十隻衝入賊陣。遂進薄城下。七年五月卒於軍。是年

恩詔。加三等阿達哈哈番。世襲罔替。尋敘功。加贈一等阿達哈哈番。以子傅克都襲。其族弟有席賴者。初管擺牙喇甲喇事。崇德三年。隨揚威大將軍貝勒岳託征明山東。入邊時。擊臺頭營馬兵。敗之。又同固山額真吳賴於密雲城附近駐扎。以爲聲援。敵人用礮來犯。我輜重。率本固山擺牙喇擊敗之。又擊敗趙軍門兵。出邊時。同梅勒章京俄羅塞臣。擊敗吳總兵馬步兵。順治元年。隨睿王多爾袞入山海關。擊敗流賊馬兵。二年二月。授牛錄章京世職。七年。九年。三遇

恩詔。加至二等阿達哈哈番。世襲罔替。兼管牛錄。康熙四年卒。

葉喜。富拉克塔之同祖兄也。父曰布哈圖。初襲



父牛彙章京職。管五牛彙叅將事。葉喜初任擺牙喇甲喇章京。崇德三年。從征明。擊吳軍門兵。敗之。五年。圍錦州。擊敗松山馬兵。復敗松山步兵。順治元年。隨英親王阿濟格。征流賊。至延安府。城內賊兵出犯。率擺牙喇甲喇兵擊走之。追流賊至承天府。圍其城。獲賊船四隻。同纛章京哈寧阿。自大江追流賊。至富池口。獲其船。併擊敗其岸上。駐立馬步兵。三年。從揚威大將軍豫親王多鐸。追騰機思。瞭見敵兵在博爾哈土山上。卽隨貝子博和託進擊。斬七人。招降喀爾喀

塔什二十五戶。旋與土謝圖汗兵奮勇搏戰。歿於陣。追贈護軍統領。四年三月。議卹。又贈牛彙章京世職。以弟之子額爾遜襲。葉喜兄之子陳布祿。初任牛彙章京。兼理事官。崇德三年。隨奉命大將軍睿親王多爾袞。征明山東。攻陽信縣。梯城而上。克之。順治三年。從何洛會攻漢中。擊賊賀珍兵。同鄂莫克圖。巴圖魯。擊敗之。又從靖遠大將軍肅親王豪格。征四川。擊流賊八大王。張獻忠。同達素鄂莫克圖。巴圖魯等。屢敗賊兵。師還。有賊來尾我師後。卽同噶布什賢章京。席



卜臣敗之。至遵義府。復同鄂莫克圖巴圖魯敗賊有功。九年兩遇。

恩詔授拜他喇布勒哈番。十一年從征浙江舟山。同委署燾章京尼雅達。敗偽總制陳六御等。以功加授三等阿達哈哈番。十七年卒。

尼堪。滿洲鑲白旗人。姓納蘭氏。世居松阿里吳喇地方。

太祖高皇帝時。率衆來歸。授爲巴克什。因說降科爾沁國有功。授備禦世職。天命六年。同博爾晉轄征虎爾哈部落。獲五百戶。

太宗文皇帝卽位。擢一等轄。從征大同。錦州。俱有功。天聰九年。隨岳託貝勒駐守歸化城。聞博碩克圖之子。遣人往阿魯喀爾喀處。必有與之同來者。貝勒遣尼堪等要於道。果擒其所遣十人。及明使四人。併獲駝五十。馬四十六。及貂皮等物。又得烏朱穆秦部落貿易人四十六名。駝三十七。馬匹百餘。十年。同英俄爾岱往朝鮮議正大名。朝鮮未從。

太宗親統大兵往征之。崇德元年。聞瓦爾喀不靖。尼堪承



命自朝鮮往蒙古。率領科爾沁等十六固山兵。併滿洲兵三千七百餘衆。出咸鏡道。往征瓦爾喀。四月。將出會寧。有朝鮮之平壤巡撫。安州總兵。於吉木海地方。扎二營相拒。尼堪率我兵擊敗之。殺平壤巡撫。及兵二千餘。獲馬千餘匹。又有一巡撫。與二總兵。率副使等官十員。領兵二萬。從安邊來襲我後。尼堪設伏。誘殺副使五員。兵萬人。又獲馬千匹。朝鮮餘兵。登山伐木立柵。我兵圍之。三日降。其哈忙城巡撫。及各城總兵官副使等共十五員。各率本城軍民。出郭獻牛及緞疋。青布麻布白布等物甚衆。八月。同舅舅阿什達爾漢等。往外藩蒙古巴林。扎魯特。喀喇沁。土默特。阿魯。諸部落。會集諸王貝勒等。審理刑獄。頒布赦書。三年二月。

太宗親征瓦爾喀。平之。七月。擢尼堪理藩院右叅政。五年四月。以辦事有能。不違指使。授三等甲喇章京世職。五月。索倫部落三百三十七戶。男子四百八十人來降。

太宗特命尼堪。及每旗擺牙喇甲喇章京各一員。率每牛彖擺牙喇各一人。携蟒緞素緞梭布往迎之。



諭之曰。爾等可令索倫來歸之衆。同我國外藩蒙古郭爾羅斯部落。於吳庫馬爾格倫額勒蘇昂阿插喀地方。駐扎耕種。任其移營。視其中有能約束悖亂。堪爲首領者。授爲牛衆章京。分編牛衆。爾等將獲去緞布。以次給賞之。於是尼堪等至其地。各給賞有差。分爲八牛衆。乃還。順治二年二月。以定鼎燕京。追敘羣臣功。加尼堪世職爲二等甲喇章京。三月。隨定國大將軍豫親王多鐸。平定河南。同固山額真宗室韓岱。統外藩蒙古兵。由南陽路趨歸德。招服一州四縣。三年五月。復敘前勞。加授世職。爲一等甲喇章京。是年。隨揚威大將軍豫親王多鐸。往追騰機思。同科爾沁二郡王扎薩克貝子。分兵二千餘人。至土喇河。適梅勒章京明安達禮續至。卽率前鋒兵進剿。兩戰皆捷。尼堪追擊。逼敵登山。斬殺甚衆。獲其家產生畜。又擊敗土謝圖汗兵。四年三月。敘功。授三等梅勒章京世職。七年九年。三遇

恩詔。加至三等精奇尼哈番。世襲罔替。十年。以効力年久。加爲二等精奇尼哈番。十七年卒。年六十六。賜修墳墓銀五百兩。遣官致祭。祭文稱其賦性淳良。秉



心謹慎。助勦王事。勤勵攸彰。云。尼堪弟之子馬喇。仕至西安將軍。自有傳。阿穆爾圖者。尼堪叔父。都得里之第五子也。因尼堪無子。阿穆爾圖與弟鴻臚寺卿阿錫圖。及從子西安將軍馬喇。聞散章京召滋。分襲尼堪世職。阿穆爾圖得三等阿達哈哈番。初阿穆爾圖在。

太宗文皇帝時。任一等轄。順治初。擢噶布什賢章京。十一年。隨靖南將軍朱瑪喇征廣東。至新會縣。率噶布什賢兵。擊僞安西王李定國步卒。敗之。復敗其殿後馬步兵。定國又率馬步兵萬餘。列象

爲陣來戰。復隨朱瑪喇等進擊。破之。十一年來京報捷。卽令賚。

勅回諭平南王尚可喜等。十五年。以委署燾章京從征僞桂王至貴州。敗僞侯李成蛟於涼水井。進至魯崗地方。僞晉王李定國率衆拒敵。復同三路大兵奮擊敗之。追至磨盤山。破李定國伏兵。克騰越州。尋敘功。加世職爲二等阿達哈哈番。十八年。任本旗副都統。康熙九年。陞盛京將軍。十年。

聖祖仁皇帝至盛京謁



陵。召阿穆爾圖諭曰。此方人民淳朴。獄訟事簡。無甚難理。爾膺荷委任。惟撫戢軍民。愛養招徠。滿漢人民。悉賴農桑。須多方勸諭。開墾耕種。俾各遂其生。以副朕睠念發祥重地之意。

駕旋時。又諭曰。朕駕將還。觀爾非無能之人。爾其鎮守地方。勉副朕意。自是阿穆爾圖益勵小心。恪共厥職焉。十三年以疾卒。

賜祭葬。加祭一次。謚襄壯。子阿林保。康熙五十五年。由叅領陞正藍旗漢軍副都統。明年調滿洲副都統。雍正三年。擢護軍統領。四年四月。緣事革。

八旗通志初集卷之一百六十

名臣列傳二十

鑲白旗滿洲世職大臣二

葉赫朱瑪喇

孫納岱  
郭色

齊爾格申

弟多尼喀

額色黑

鄂屯

從兄安泰  
從子佟濟

覺羅巴哈納

弟普爾朋  
奇

巴朗

弟之子杭

車克

族子尚幾圖  
羅多禮

顧魯

八






朱瑪喇滿洲鑲白旗人。姓畢魯氏。世居葉赫地方。

太祖高皇帝時。率虎爾哈人來歸。編爲牛叅。卽令任牛叅章京。天聰三年。隨大兵進邊。同覺羅鄂泰。蘇爾秀。攻取邊門。又同楊古利。額駙。覺羅鄂泰。率兵五百人。至遵化。遇敵。擊敗之。閱三日。

太宗文皇帝親臨視遵化城。遇山海關明兵來援。將欲入城。朱瑪喇適率哨卒十人至。卽隨大兵進擊。陣斬甚多。旋隨大兵進至北京。遇明滿桂。黑雲龍等四總兵於大紅門。同音達。尸齊。楊古利等





擊敗之。復隨大兵攻取張家灣。克永平府。又往開平。運取糧餉。猝遇敵兵。同科泰奮擊敗之。夜設雲梯攻昌黎縣。奮勇先登。身被三創。天明。又設雲梯。率兵力攻數次。復被三創。以功授備禦世職。五年。隨睿親王多爾袞。征明圍大凌河城。於本汛掘濠。率兵晝夜巡守。歷數月不倦。城內敵兵出戰四次。並擊敗之。明監軍道張春率兵來援。同甲喇章京鄂諾奮戰。摧其前隊。又率兵步戰。破其後隊。六年。從征察哈爾。聞布顏圖台吉。席佳台吉。在英格古兒地方。星夜追至穆魯哈岱。獲布顏圖台吉。及從者百餘人。盡殺之。並俘其妻子。又同甲喇章京尼堪等。攻新柱前兩寨。取之。七年。從貝勒德格類。岳託等。攻明旅順口。率擺牙喇十人。乘船登岸。與霸奇蘭同擊。虜城敵兵。手中一創。見我國將雍舜登城。遂奮勇繼登。向敵大呼曰。我朱瑪喇登城矣。身被三創。不退。是時敵鋒甚銳。朱瑪喇并力攻擊。卒拔其城。

太宗嘉之。親賜金卮御酒。初緣事削職。至是以功復授備禦。九年。隨貝勒多鐸。征明。夜設雲梯攻錦州。



城身被創甚劇。崇德元年。從征朝鮮。率兵自山  
 巔奮勇力攻。奪其寨門。大兵繼之。不戰而入。遂  
 克取一寨。又率兵步戰。敗明海總兵。攻取四縣。  
 師還。擊開平兩營兵。又敗之。三年七月。更定部  
 院官制。以朱瑪喇為兵部理事官。尋從圍錦州。  
 攻廣寧北岩峙山山寨。同吳班格巴庫。率甲士  
 四十人襲取之。又同舒恕。海塔巴圖魯等。率滿  
 洲甲士八十人。蒙古甲士三百人。圍守駱駝山  
 播靈寺。招服其眾。又隨固山額真石廷柱。招服  
 大凌河北山四寨。六年四月。隨鄭親王濟爾哈  
 朗圍錦州。見敵騎來奪我紅衣礮。遂舉礮前進。  
 射退敵兵。關隅有敵兵來攻。又射退之。七年閏  
 十一月。同沙爾虎達。往征松阿里江虎爾哈部  
 落。招降喀爾喀木。遮克特庫。塔土庫。福提希。俄  
 爾渾。窪齊奇。庫巴查喇。額提奇。薩里。尼野爾北  
 十屯人民。計男子五百三十四人。婦女幼小九  
 百二十四人。八年正月。同沙爾虎達。獲男子六  
 百十二人。婦女六百十七人。幼小三百九十人。  
 馬五百八十三匹。併牛羸等以歸。

太宗命禮部官設宴於城外迎之。論功賞賜緞疋。未幾



又緣事革世職。順治元年。從睿王多爾袞入山海關。隨固山額真覺羅巴哈納擊敗流賊。七月。由正藍旗滿洲固山甲喇章京。陞本固山梅勒章京。十一月。擢兵部侍郎。二年正月。追叙從前軍功。復授牛錄章京世職。十一月。奉

命同何託等。率所部滿洲蒙古官兵駐防杭州。任左翼梅勒章京。率師敗僞大學士馬士英於餘杭。與右翼梅勒章京何託等回兵杭州。距城三十里外。突遇賊兵。復大敗之。時僞國公方國安等。嘯聚江東赭山。杭州朱橋。范村等處。所在肆掠。朱

瑪喇同總兵官田雄。副將張杰等。分兵進勦方國安水師數萬。一鼓盡殲。三年。從征福建。同燾章京敦拜。擊敗僞黃總兵。又同敦拜擊敗僞陳副將。四年。以考滿稱職。由牛錄章京世職。加半箇前程。五年。征江西叛鎮金聲桓。隨征南大將軍譚泰。敗賊兵七萬。賊兵又犯正藍旗汎地。同固山額真何洛會擊敗之。又同梅勒章京沙爾虎達。擊敗僞高總兵。焚燬河內敵船六百餘艘。江口敵船七百餘艘。招服一府五縣。七年。

恩詔。加世職爲三等阿達哈哈番。又以從征江西功。加



八旗通志 卷一百一十五  
爲二等阿達哈哈番。八年擢吏部尚書。九年二  
次

恩詔。加世職至三等阿思哈尼哈番。十一年六月。以固  
山額真爲靖南將軍。同燾章京敦拜。統兵征勦  
廣東。

賜之勅書。

世祖章皇帝又特諭曰。賊寇侵犯廣東。故特遣爾等。爾  
等旣至彼境。與兩王及總督李率泰計議。酌便而行。  
賊若知爾等出師。自廣東竄入廣西。可與兩王總督  
相機酌議。若賊入雲貴。爾等可從便宜。擇寬濶善地。

休息兵馬。奏聞候旨。至遇賊對壘時。爾固山額真朱  
瑪喇。燾章京敦拜二人。可居中調度。毋使有失。倘遇  
衆寡不敵。須以計圖。防輕謀致敗。用全我師。我國家  
自來兵無不勝。從前失事者。尙將議罪。若爾等大臣  
圖縱指授。各營主將悉効忠忱。則何至有失也。是時  
僞安西王李定國圍新會。平南王尙可喜。靖南  
王耿繼茂等。先率兵往援。至三水縣。分布沿江  
隘口。出奇制其後。以待大軍。比朱瑪喇等至。遂  
合兵進勦。敗之於珊洲。斬其副將一員。生擒十  
餘人。獲首一百五十餘級。旣抵新會。定國領馬



八旗通志 卷二百六十一  
步賊兵分據山口山頭。我師奮勇衝擊。奪其山。殺獲甚衆。定國遁去。新會以全奏入。下所司察叙。十二年正月。復奉

勅諭曰。爾等率兵前往。會同兩王及總督李率泰。將已入廣東賊兵。多方制勝。陣斬無算。深可嘉悅。但既已統兵前往。仍會同兩王及總督李率泰。相機安撫被賊地方人民。再行報聞。朱瑪喇等隨又率師擊敗定國於興業。再敗之於橫州。定國渡江焚橋而遁。我師躡之。定國率殘兵自賓州走南寧。俘獲甚多。遂克復高雷廉等三府。二十五州縣。四月捷

音至。奉

勅諭曰。朕惟折衝禦侮者。社稷之良臣。顯績褒勲者。國家之盛典。爾等或受命以擴靖疆場。或率師以協平寇盜。皆朕之故舊大臣。倚爲腹心者也。頃者逆賊李定國棲處南方。頻侵兩粵。二王及諸臣宣厥忠勇。謀搃必勝。於新會等處殺賊既多。復追至橫州江岸。降其軍將。獲其器械無算。克定高雷廉等府州縣。先後屢捷。功越尋常。績臻茂著。朕甚悅之。特賜勅諭。以示朕獎勵至意。爾等其益盡忠勤。垂名永久。欽哉。九月。朱瑪喇同敦拜等班師回京。行次張家灣。朱瑪



喇以病留後。十二月病愈入京。赴

南苑

陛見行禮。

世祖諭大學士馬銓等曰。此固山額真統領大兵。出征廣東捷歸。今年五旬矣。如此年齒。建立大功。殆福人也。

賜茶獎勞之。明年叙征廣東功。加世職爲一等阿思哈尼哈番。兼一拖沙喇哈番。

世祖復諭吏兵二部曰。固山額真朱瑪喇等。率兵擊敗侵犯廣東之賊李定國。雪衡州桂林之忿。快慰衆心。

朕甚嘉悅。此番軍功。止照他處常例議叙。其功次不及定數者。竟不議叙。不合。伊等軍功。着再加酌量議敘。具奏。尋復敘征廣東功。加朱瑪喇世職至三等精奇尼哈番。十五年十一月。以年老致仕。康熙元年卒。八年十一月。

賜祭葬。諡襄敏。長子鄂通額。仕至一等轄。先父早卒。次子博通鄂。襲父世職。合本身所得之拜他喇布勒哈番。併爲一等精奇尼哈番。累官至副都統。以年老告退。朱瑪喇孫納岱。初任二等轄。兼甲喇章京。順治十六年。從征海寇鄭成功。至福建



攻廈門。力戰陣亡。議卹。贈拖沙喇哈番。又有郭色者。亦朱瑪喇孫。初任護軍叅領。康熙十七年。從征逆藩吳三桂。至湖廣永興。與僞將軍馬寶胡國柱戰於沿山嶺。奮勇進擊。歿於陣。二十五年。議敘。贈拖沙喇哈番。以子赫爾薩襲。齊爾格申。滿洲鑲白旗人。世居寧古塔地方。以地爲氏。

太祖高皇帝辛亥年。同其兄納林。率四十餘戶。丁壯百餘人來歸。卽以其所攜丁壯編爲牛录。令納林管之。納林歿。齊爾格申襲管牛录。率所統兵往

鎮達普孫木城時。寧遠錦州之師來攻耀州。齊爾格申往援。馳至淤泥河渡口。盡殲之。旋率所統擺牙喇駐扎平山。見海濱有鹽徒千餘人。望船奔竄。遂乘夜襲之。逃者不獲。登船盡殪。其衆明錦州守將率師來戰。復擊敗之。是役以力戰。面被創。天聰六年。同副將石國柱遊擊雅什哈統兵六百出戍蓋州。八年。以不違指使。授牛录章京世職。崇德元年五月。沿海稽查逃人。遇我國逃人七名。漢人以船來接。齊爾格申涉水射之。斃其執鳥鎗者一人。並爲首逃人一名。獲其



船。船中有備禦一員。及十三人。皆生擒之。又追  
逃人。至北新渡口。見海中敵船。內有二人。自稱  
逃人。大呼曰。速來迎我。卽乘小舟往迎之。生擒  
一名。斬一名。固守北新渡口。偵知有敵船五十  
餘隻來海上。是夜設伏兵以待。比明。見二十三  
人往島中取木。盡擒之。六月。隨武英郡王阿濟  
格。率師攻明大同。有馬步兵九千餘人。出城逆  
戰。率援師敗之。復有兵千餘人。自城中出拒。再  
率援師擊敗其衆。順治七年。遇

恩詔。由拜他喇布勒哈番。加一拖沙喇哈番。先是齊爾

格申之弟曰多尼喀。崇德八年。隨奉命大將軍  
貝勒阿巴泰。征明。攻萊陽縣。先登克其城。因

賜號巴圖魯。授牛录章京世職。七年

恩詔。加一拖沙喇哈番。尋卒。至是齊爾格申併襲其弟  
多尼喀世職。合爲一等阿達哈哈番。九年。遇

恩詔二次。加至三等阿思哈尼哈番。歷陞至

福陵總管。齊爾格申早從征伐。戰創甚多。康熙十二年

三月。創發卒。年七十。

聖祖仁皇帝遣官致祭。祭文稱其性行純良。才能稱職  
云。



額色黑。滿洲鑲白旗人。姓傅察氏。世居長白山。其祖於

國初率部落來歸。父名莽吉祿。生二子。長卽額色黑。天聰初年。爲兵部啟心郎。九年。從征黑龍江。破之。先馳歸奏捷。崇德六年。擢秘書院學士。同大學士希福。剛林。往驗圍錦州所掘壕塹。兼閱屯營形勢。七月。奉

太宗文皇帝勅。往諭睿親王多爾袞等進攻錦州機宜。八月。又往諭肅郡王豪格等軍。九月。又往諭鄭親王濟爾哈朗等軍。七年三月。同國史院學士

羅碩。自軍前賫奏至。言十三站夏百總。率所屬男子百名。及婦女幼小來歸。又值錦州降。捷音至。

太宗遣往諭祖大壽部下之人。盡留養之。是月。鄭親王濟爾哈朗。睿郡王多爾袞。自錦州遣來還奏。遂復遣諭王貝勒回兵駐防事宜。四月。回奏。併以攻克塔山捷音至。

太宗命於篤恭殿集衆官宣示。八年。隨奉命大將軍饒餘貝勒阿巴泰。內大臣圖爾格等。征明。尋同甲喇章京穆成格等。以克城敗敵事。及俘獲數目



奏

聞。順治二年。以前勞授牛象章京世職。四年考績。加半個前程。七年

恩詔。加爲三等阿達哈哈番。八年。擢內國史院大學士。九年二次

恩詔。加世職至一等阿達哈哈番。充纂修

太宗文皇帝實錄總裁官。十月。晉議政大臣。十一年。以素效忠勤。始終不渝。加太子太保。十三年乙未科。充會試正主考。加少保兼太子太保。明年。充纂修通鑑全書總裁官。復以考滿。加少傅兼太

子太傅。

賜羊酒。廕一子入監讀書。十八年卒。

賜祭葬。諡文恪。是年十月。吏部推陞學士。奉

聖祖仁皇帝旨。原任大學士額色黑。於

太宗

世祖兩朝。勤勞效力有年。敬慎素著。始終克盡職業。其子塞色赫。着陞補內秘書院學士。塞色赫勤慎職守。歷任至禮部尚書。康熙二十年二月致仕。額色黑弟額司泰。征逆藩吳三桂於湖廣有功。自有傳。



鄂屯。額色黑族人。其伯父孟吉慎。郭和率弟兄五人。丁壯三百人來歸。時

太祖高皇帝創立牛錄。以其人編爲一牛錄。令孟吉慎。郭和之長子喀爾喀馬管之。歷官副將。緣事革。以鄂屯襲管牛錄。天聰七年。擢喀爾喀馬爲

福陵總管。九年。鄂屯隨吳巴海。征厄黑庫倫。厄勒鑰色等處有功。崇德元年。授牛錄章京。世職。七年。大兵征明。圍錦州。鄂屯率所部甲士三十五人。堅守松山城。擊敗敵兵。順治元年。隨睿王多爾袞入山海關。擊敗流寇。追至慶都縣。論功。加半個

前程。二年。任駐防江寧府協領。三年。江寧府始設戶部。以鄂屯爲左侍郎。兼管七省漕運水路事務。時巢縣爲賊所踞。鄂屯聞報。率兵擊破之。復縣城。又聞賊渠張福桓據英山縣。隨昂邦章京張大猷。率兵往擊敗之。安撫其民。七年。九年。三遇

恩詔。加世職至一等阿達哈哈番。十一年。隨定遠大將軍世子濟度。征福建海寇。鄭成功。鄂屯以紅衣礮攻海澄縣之東壘。鄭成功統衆十萬餘來劫。火礮。率兵擊却之。又敗鄭成功賊衆三次於海



岸。僞何總兵統衆千餘。毀橋拒守。復率兵擊敗其衆。凡攻復二縣。一百五十三寨。招降僞總兵二人。僞副將一人。及士卒七千餘人。以功由一等阿達哈哈番。加一拖沙喇哈番。十二年。以年老致仕。康熙十五年正月卒。安泰。鄂屯伯父孟古慎郭和之第四子也。初任王府二等轄。

太宗文皇帝親統六師。征大同。朝鮮。山東。錦州。松山等處。安泰俱在行間。每戰直前奮擊。捉生破敵。擢噶布什賢轄。順治元年。隨睿王多爾袞入山海關。同多莫克圖擊流賊僞總兵唐通。敗之。又追

擊流賊至安肅縣。斬殺甚衆。又追至慶都縣。十月。隨定國大將軍豫親王多鐸南征。師至潼關。同傅喀擊敗流賊四次。又同巴雅喇擊流賊第一營步兵。同穆成格擊流賊第二營步兵。並敗之。二年三月。我師向南京進發。安泰同鄂碩率八旗噶布什賢兵之半先行。遇賊步兵二千。擊敗之。又敗賊千餘於睢寧縣。比至南京。城內步兵迎戰。同傅喀擊敗之。五月。隨貝勒博洛趨杭州府。同鄂碩擊敗僞大學士馬士英兵。攻湖州府。同白爾赫圖以雲梯克其城。是年。授半個前



程三年。從靖遠大將軍肅親王豪格征四川。擊賊渠何進忠。張獻忠。於漢中諸處。敗賊九次。擢噶布什賢章京。五年。從征湖廣。於沅州靖州等處。率噶布什賢兵。擊賊渠楊總兵王進才一隻。虎郝永忠等。六戰並敗之。斬楊總兵。擒白副將。七年。

恩詔。加世職爲拜他喇布勒哈番。緣事革。八年事白。復授拜他喇布勒哈番。由前鋒叅領擢副都統。康熙十二年卒。

賜祭葬如典禮。安泰兄喀爾喀馬之長子名佟濟者。

襲管鄂屯牛录。隨大兵征明。克錦州松山。又隨睿王多爾袞入山海關。定北京。皆著勞績。順治十五年九月。擢前鋒叅領。十七年。從征福建。攻廈門。海道鄭成功。列戰艦六百餘艘於海上。拒敵。隨官兵擊敗之。斬僞叅將林登。奪其戰艦。獲僞印一。旋奉令往蓋峙山。遇賊奮擊。歿於陣。卹贈拜他喇布勒哈番。以其次子穆什欣襲。長子圖世錫襲管佐領。康熙十三年。逆藩吳三桂叛。圖世錫隨貝勒董額。由陝西進征四川。至平涼府。叛鎮王輔臣。列陣拒敵。奮勇擊之。面鼻皆被。



創未幾。又與王輔臣戰。大破其衆。得頭等功牌。十九年。至四川。聞賊兵困永寧。率兵往援。未至。永寧已陷。師還時。圖世錫獨殿後擊賊。三十五年。從征厄魯特噶爾丹。亦在事有功。累官至都統。三十九年。以原品致仕。雍正元年卒。

諭祭一次。

佟濟弟有希佛者。原任三等侍衛。緣事革職。

後以披甲隨征海賊鄭成功。與其兄同時陣亡。又有訥秦者。亦佟濟弟。累官至副都統。族子希爾根。仕至都統。佟濟孫傅敏。康熙丁丑科進士。現任都察院左都御史。兼翰林院掌院學士。傅

敏子德爾芬。仕至鑲黃旗漢軍副都統。

覺羅巴哈納。滿洲鑲白旗人。

景祖皇帝第三兄之四世孫也。年十七。卽效力行間。屢

著勞績。天聰八年。以辦事有能。授牛錄章京。世

職。尋緣事革退。以弟巴朗襲職。崇德二年七月。

更定部院官制。以巴哈納爲刑部理事官。明年

六月。擢本部叅政。隨調正藍旗滿洲固山梅勒

章京。順治元年四月。陞本旗蒙古固山額真。是

月。調滿洲固山額真。六月。同石廷柱率官兵平

定山東。疏報霸州。滄州。德州。臨清。先後俱下。七



月奉

命會同固山額真葉臣軍平定山西。是月遣人招明總督李化熙。并王副將趙旗鼓來降。十一月。同石廷柱。席特庫等。率師自汾州至平陽一帶。追殺賊兵四千餘人。獲馬騾一千餘匹。於西山寨。降僞副將康元勳等三員。兵三千餘名。至黑龍關。降明守備三員。兵三千名。十二月。以招撫山西功。

賜白金三百兩。二年四月。敘山東山西等處軍功。授世職爲三等甲喇章京。三年。隨靖遠大將軍肅親王豪格。征四川流寇張獻忠。四年八月。肅親王豪格奏報。覺羅巴哈納等。分兵征勦遵義。夔州。茂州。榮昌。隆昌。富順。內江。資陽等處。斬僞王及巡撫道官總兵副參遊都守一千餘員。兵丁無算。獲馬騾一萬二千四百餘。川寇悉平。五年二月。緣事降世職。爲拜他喇布勒哈番。三月。擢戶部尙書。九年十月。調刑部尙書。十一年八月。以巴哈納素效忠勤。始終不渝。

特恩加太子太保。明年二月。加少保兼太子太保。五月。授弘文院大學士。十三年正月。充纂修通鑑全



書總裁官。十五年。改內三院爲殿閣。以巴哈納爲中和殿大學士。十八年。復設內三院。以巴哈納爲秘書院大學士。康熙元年。授鑲白旗都統。五年十二月卒。贈少師兼太子太師。

賜祭葬如典禮。諡敏壯。弟普爾朋。初以

加恩宗族。授半個前程世職。順治元年。隨睿王多爾袞入山海關。同索渾擊流賊僞總兵唐通。敗之於一片石。又追賊至安肅縣。斬殺甚衆。又於慶都縣誘擊賊兵。破之。復同譚泰追賊步卒。盡殲其兵。是年冬。隨定國大將軍豫親王多鐸南征。

年正月。破流寇李自成於潼關。四月。定河南。五月。趨南京。隨貝勒博洛進抵蘇州府。僞楊軍門乘船來戰。普爾朋引水師擊之。奪其船。復追至平湖縣。獲戰艦十艘以歸。又敗僞大學士馬士英等兵。三年。隨征南大將軍貝勒博洛。由浙江進師福建。擊僞辛總兵周總兵等。俱破之。又擊敗僞楊軍門李軍門兵六千餘衆。至建寧府。賊兵乘船遁。同昂阿昂邦追及。斬僞軍門等。獲戰艦一百五十艘。又於延平府連敗賊兵。同拜音代奪其橋。敗僞姜總兵於汀州府。進攻建寧。賊



駐兵河橋。同昂阿昂那敦達理富庫奮擊之。奪門直入。遂克其城。四年敘功。加授世職。爲牛朶章京。七年。九年。三遇。

恩詔。加至二等阿達哈哈番。又有弟名巴朗者。初因巴哈納獲罪。巴朗襲其兄牛朶章京世職。順治元年。隨睿王多爾袞入山海關。擊流賊有功。由牛朶章京世職。加半個前程。二年四月卒。弟海蘭襲職。海蘭卒。子杭奇襲。九年。遇。

恩詔。二次。加至一等阿達哈哈番。隨副都統覺羅阿克善統兵征福建。至高齊地方。遇賊列戰艦二百餘艘。於烏龍江拒敵。杭奇同委署燾章京格圖乘船擊之。敗之於大江口。十八年。從征雲南。入緬國。至阿娃城。獲僞桂王。並在事有功。康熙三年。議敘。由一等阿達哈哈番。加一拖沙喇哈番。五十二年卒。子納漢泰襲。五十五年。因病告退。以其弟馬哈達降等承襲。奉。

旨。此職係巴哈納之職。巴哈納乃。

太祖

太宗時舊臣。曾效力行間。此職不必降等。仍將一等阿達哈哈番。又一拖沙喇哈番。着馬哈達承襲。六十一



年。以疾卒。子全璧襲職。

車克。滿洲鑲白旗人。姓瓜爾佳氏。世居蘇完地方。

太宗文皇帝賜姓覺羅。初任噶布什賢轄。兼管牛录事。天聰八年八月。從征明。由大同入至懷遠。同噶布什賢將領土魯什。設伏於左衛城。遇明總兵曹文詔騎兵二百五十人出城。擊敗之。斬三十人。獲馬三十八匹。生擒四人。又擊敗祖大弼兵於五臺山。崇德三年。更定部院官制。以車克爲戶部副理事官。六年。圍錦州。擊明經畧洪承

疇三營步兵。以步戰敗之。順治元年。隨睿王多爾袞入山海關。擊流賊。二年。敘功。授牛录章京。世職。擢叅領。尋以在部任事有能。由牛录章京。世職。加半個前程。五年。陞本部侍郎。兼副都統。七年。遇

恩詔。加世職爲三等阿達哈哈番。八年。調都察院叅政。未幾。陞戶部尚書。議政大臣。九年。遇

恩詔。加世職爲二等阿達哈哈番。緣事降世職爲拖沙喇哈番。是年。又以

恩詔授爲拜他喇布勒哈番。事白。復授二等阿達哈哈



八旗通志 卷一百六十一  
番。十一年。

世祖章皇帝以車克當

太宗時。素效忠勤。始終不渝。經理部務。力殫猷爲。成績已彰。宜加恩顧。於是加太子太保。尋擢內秘書院大學士。十二年。加少保兼太子太保。十三年。

世祖特諭吏部。戶部尚書。職司國計。倚賴非輕。必得精敏練達之才。方能勝任。大學士車克。向任司農。廉勤夙著。着晉少傅兼太子太傅。以原官管戶部尚書事。十四年考績。加少師兼太子太師。十六年。奉

命往江南催辦各省錢糧。製造戰船。十七年。同安南將軍宗室羅託。統領大兵。往勦逆賊鄭成功。十八年。又調吏部尚書。是年。緣事革去少師銜。仍留原任。康熙元年七月。復授內院大學士。六年。以疾致仕。十年卒。

賜祭葬立碑。謚文端。碑文稱其性行端良。才能稱職。部務歷膺副簡。任之意。綸扉叅贊。建調燮之能。久襄王事。茂著勤勞。云子出仕者四人。峩爾敏。襲父世職。卓爾。他歷任至王府長史。甲普甲。歷任至散秩大臣。忘丕。歷任至侍郎。車克弟色格。歷任至都統。又有尚機圖者。車克族子。初任壯尼



大駐防荊州時。從征廬溪縣賊郭嘉王嘉。遇二千伏兵。同參領薩克察巴圖魯敗之。順治十六年。從征福建海賊。攻廈門。力戰陣亡。卹贈拖沙喇哈番。以弟羅多禮承襲。康熙十三年。羅多禮從征逆藩耿精忠。至江西。有賊兵自建昌府來。援撫州府。兩敗其衆。又敗僞都督楊益茂兵六萬於七里岡。進攻弋陽縣。破僞都督姜德宏及僞總兵柯勝兵。賊復以鐵索結連。列陣來犯。復敗之。又從擊僞俞將軍兵於浮潭鋪。敗賊以萬計。十六年。從鎮南將軍莽依圖征吳逆。至廣西。破僞將軍吳世琮兵於新村西山。復破僞將軍范齊韓詹仰兵於陶屯。並有功。十九年。從征南大將軍賴塔。破賊於黃草壩。進抵雲南。二十五年。敘功。加授拜他喇布勒哈番。

顧魯。滿洲鑲白旗人。父圖爾奇葉爾登。原係蒙古察哈爾貝子。率衆來歸。授三等副將。世職。天聰八年卒。顧魯。其長子也。初授牛录章京。世職。天聰八年。襲父職。以牛录章京。世職。與其弟綽格圖承襲。崇德元年。顧魯從征明。遇明巡撫袁應泰兵。同何洛會擊敗之。又從征克西克騰。擒



克西克膽稜諾木之子。六年。往圍錦州。同固山額真和碩達爾漢額駙擊敗松山兵。八年。隨奉命大將軍貝勒阿巴泰。征明山東。同固山額真覺羅巴哈納。擊敗八總兵軍。順治元年。隨睿王多爾袞。入山海關。破流賊。又同巴哈納。擊敗流賊馬兵。二年。加世職為二等梅勒章京。七年。九年。三遇。

恩詔。加至三等精奇尼哈番。以病乞休。

八旗通志初集卷之一百六十一

名臣列傳二十一

鑲白旗滿洲世職大臣三

喀爾塔喇 子赫特赫 弟之子赫虎 赫虎子奇留 族子達爾丹

鄂庫禮 父馬爾圖 董阿賴

鄂穆克圖 父多鼐 興鼐 族孫喀爾奇

黨愛 索渾

孫達禮巴圖魯 吳巴海 孫喜福子龍山

達克沙哈 族人拜都哈 喇布 拜都哈兄之子海

覺羅郭科



